

أغوار النفس  
من خلال العلاج النفسي

يحيى توفيق الرخاوى

## المحتويات

.....الأهداء والمقدمة:

.....الفصل الأول:

.....الفصل الثانى:

.....الفصل الثالث:

# **(متن) أغوار النفس**

من خلال العلاج النفسى

﴿تحديث محدود﴾

(بالعامية المصرية)

أ.د. يحيى الرخاوى

الطبعة الثانية

٢٠٠١

(شرح المتن)  
"انظر طب نفسى لاحقا"

إهداء (الطبعة الثانية)  
إلى كل من غامرَ باختراق ما يعرف،  
إلى ما هو أصعب، وأجمل، وأنفع.  
٢٢ يونيو ٢٠٠١

## مقدمة الطبعة الثانية

صدرت الطبعة الأولى من هذا العمل بصفته شعرا بالعامية، وقد ألحق به شرح تفصيلي لمادته: "تقد العلاج النفسى". كاد الشرح يفسد صفته الشعرية.

"الشعر ليس له وظيفة غير نفسه".

هكذا تنبهنى الصديق المرحوم إبراهيم عبد الحليم" رافضا الشرح فى الطبعة الأولى جملة وتفصيلا دون أن يرفض الشعر. ومن قبله كان تعقيب صلاح عبد الصبور على ديوانى "سر اللعبة"، ثم لنفس السبب كانت الكلمة التى صدرت بها ديوانى "البيت الزجاجى والثعبان" قائلا إنه: "إذا كان أجمل الشعر أكذبه، فإن أصدق الشعر ألمه".

لماذا استمرار مثل هذه المحاولات - إذن؟

أحسب أنه ليس لى خيار كبير، وأتنى لا أفضل هذا الشكل تحديدا، لكن الذى يحدث أن بعض الخبرات تتدفق متراحمة وسريعة، حتى يمكن ألا تحتوى إلا فى شكل مكثف ومصور، وليكن ما يكون. وربما يكون الدليل على ذلك أن ديوان سر اللعبة، البالغ بضعا وعشرين صفحة، قد وصل شرحه ما يناهز الألف صفحة.

لما تقدمت بى السن، وكان لزاما أن ألمم نفسى لأقول ما عندى قبل أن أرحل، وجدت أن أهم ما يمكن أن أقوله هو خبرتى فى العلاج النفسى. وهى خبرة مرتبطة أشد الارتباط بناسى وثقافتهم، وبنفسى، وبمن تدربوا على يدى بانتظام خلال أربعين عاما على الأقل.

هممت أن أكتب كتابا فى علاج المرض النفسى، أى العلاج النفسى، سواء استعملت معه أدوات أخرى أم لا. حين بدأت فى ذلك، رجعت إلى هذا العمل باعتبار أنه كان من أوائل ما كتبت عن العلاج النفسى، وقلت أكتب عليه شرحا على المتن، أسوة بشرح "سر اللعبة"، فى السيكيوأنالوجى، فقد أدى وظيفة طيبة غالبا.

وبدأت المحاولة.

انتهت أن الأمور تغيرت خلال ربع قرن. وأنه لاتجوز المقارنة بما فعلت فى "سر اللعبة"، فقد كانت الفترة الزمنية آنذاك بين كتابة المتن، وكتابة الشرح، لا تتجاوز بضع سنوات (أربع سنوات على ما أذكر)، ثم إن موضوع "سر اللعبة" كان يتعلق بنظرية وفروض مركبة قد تحتل درجة من الثبات النظرى، أما موضوع العلاج النفسى، فهو موضوع عملى خبراتى متغير أبدا.

قبل أن أبدأ فى كتابة شرح متن "أغوار النفس" كما كنت أنوى، قلت أمر فيه سريعا لأراه مجتمعا عن قرب من جديد. ما أن أنهيت القراءة الأولى حتى لاحظت ما يلى:

أولا: على ألا أعتذر لإقدامى على هذا النوع من الكتابة، والتشكيل، وألا أسميه شعرا أو غير ذلك. هو هذا، لا أكثر ولا أقل.

ثانيا: إن بعض الصور الواردة فى هذا العمل شديدة الخصوصية، لأن كتابته كانت مرتبطة بخبرة محددة فيها ناس هم من أقرب الناس إلى بما فيهم نفسى، وإن كانت أى صورة واحدة فى تمامها، لا تنطبق إطلاقا على شخص بذاته.

ثالثاً: إن بعض المفاهيم التي وردت في الطبعة الأولى، كانت بها جرعة من الحماس المثالي، وربما الطفلى، تخطيطه خلال هذا الربع قرن الذى مضى، وبالتالي رأيت أنه ينبغي تجاوز ذلك فى هذه الطبعة، لتظل الطبعة الأولى تحدد ما كان وقت ظهورها. صحيح أن أى شعر تمت كتابته لا ينبغي أن يمس بعد نشره، وأنه إذا تجاوزه صاحبه، فليكتب شيئاً آخر. هذا إذا كان الشعر شعراً أصلاً بكل ما تعنى الكلمة. أما إذا كان متناً يستعمل بمثابة المدخل إلى شرحه، فالأمور تختلف.

نحن الآن أمام "إعادة صياغة" متن يحتمل شرحاً يقوم بنفس الوظيفة التى قام بها شرح ديوان "سر اللعبة".

### لذلك، قررت المغامرة كما يلى:

(١) أن أعيد النظر فيما يجعل هذا المتن أكثر عمومية، (وأكثر شاعرية فى نفس الوقت، ربما)، وذلك بالإقلال من جرعة الإشارة إلى شخص بذاته.

(٢) أن أحذف الملحق (الشرح) الذى ظهر فى الطبعة الأولى، فهو لم يكن كافياً، ولا أظن أن أحدا انتبه إليه، مقارنة بما حدث فيما يتعلق بشرح متن "سر اللعبة".

(٣) أن أقوم بتعديل ما أشاء مسابرة لما تطورت به خبرتى فى العلاج النفسى، الفردى والجمعى - حتى بالنسبة لعناوين القصائد - وعلى من يريد أن يعتبرها قصائد جديدة (وهى ليست كذلك) أن يتخذ الموقف الذى يراه، فمادمت ما زلت على قيد الحياة، فلا يصح أن أنشر ما لم أعد أنتمى إليه.

(٤) أن ألترم بعدم إضافة أى قصيدة جديدة، مكتفياً بما اضطررت إليه من تعديل داخل القصائد السابقة بما تيسر لى حسب ما تطور من خبرتى، وربما من أدواتي.

انتهيت أيضاً إلى أن العامية تحتاج إلى تشكيل أكثر من الفصحى، وذلك حتى أساعد القارئ على الحفاظ على الإيقاع (الأمر الذى دفعنى إلى أن أجرب محاولة النشر السمع بصرى الذى أمل أن يصدر مع النص المكتوب فى شكل شرائط فيديو، أو أقراص ملئزرة = (CDs!) العامية ليست لغة كتابة فى العادة).

ثم إنى رحت أتمادى فى عبث الشرح المشوّه باقتراف أشكال توضيحية تخلصت من أغلبها فى آخر لحظة. كنت أشعر وأنا أمارس هذا السخف بفرحة طفلية، وكأنى أمارس نوعاً من "اللعبة الحر"، فصعب علىّ أن أقهرنى تماماً، فتركت شكلاً مع العنوان، وأحياناً فى نهاية كل قصيدة. عفوا: هل يؤاخذ أحدٌ على لعبه؟

إن ما جاء بهذا المتن هو مرحلة أولى نحو توصيل رسالة، تتعلق بالعلاج النفسى، رسالة سوف تكون من أول ما أسأل عنه إن أنا كتمتها، هى ما يتعلق بـ"العلاج النفسى". أما إن سبق الأجل، فسوق أقدم هذا المتن لإثبات حسن النية. ثم إننى فضّلت - فى آخر لحظة - أن أنشر معظم مقدمة الطبعة الأولى بعد تصحيحات طفيفة، حاذفاً بعض التفاصيل التى لم يعد داع لذكرها.

يحيى الرخاوى

المقطم فى ٩ يوليو ٢٠٠٢

## مقدمة الطبعة الأولى

- ١ -

كتبت "هذا العمل" في السنوات الأخيرة على فترات متقطعة، وحبسته في محفوظاتي، مثلما أحبس كثيراً مما أكتب لأسباب مختلفة: من ذلك: الخوف من الخلط بين أدوارى في رحلتى في هذه الحياة. فأنا طبيب أمارس المهنة، وأنا أستاذ بالجامعة، وأنا صاحب قلم بعض الوقت.. إلخ، ولعل هذا بعض ما أشرت إليه فى بعض الحواشى فى كتابى "سر اللعبة"، (دراسة فى علم السيكوباتولوجى)، من أنى لا أجرو أن أعرض نفسى على الناس "حاليا" [1] لأنى مازلت أرتدى قميص الطبيب وأتصدى لعلاجهم، وهم يحتاجون أن يرونى بشكل خاص.

ومنها أن جرعة رؤيتى لنفسى (من خلال معاناتى التى أثارها فى أصدقائى المرضى) بدت لى أكبر من أن يقال، حتى أنه ساورنى الشك فى كل السير الذاتية التى لا يمكن أن تعرض إلا الجزء "المتاح" من صاحبها، أو الجزء المدرك من ذاته على أحسن تقدير، أما إذا زادت الرؤية فلا سبيل فى مرحلة تطور الإنسان الحالية إلى عرضها "هكذا" - ولعل هذا ما حدا بالمتصوفة إلى الكف عن الحديث فى علوم المكاشفة - ولا يملك صاحب هذه الرؤية، إذن، إلا أن يحتال ليعرض نفسه بالأسلوب السائد بلغة الفن، وربما الفلسفة أو العلم، فالفن الروائى مثلاً - فى جزء منه على الأقل - يساعد صاحبه فى الحديث عن بعض ما يرى داخله على ألسنة شخص روائية (وهذا بعض ما حاولته فى رواية طويلة هى: "المشى على الصراط" صدر منها الجزء الأول تحت عنوان "الواقعة" [2]).

العمل الحالى هو أيضاً من هذا القبيل: تجربة شخصية عيفة، جرت فى مجال خاص تماماً، واختلطت بممارستى لمهنتى، وقد هزنتى كثيراً وخطيراً. رأيت من خلالها ما لم أكن أحلم أن أراه أبداً، وعلمتنى فى مهنتى وعن نفسى ما صار هادياً لى، ومثبتاً لخطواتى، وقد بلغ انفعالى بها، ومعايشتى لها، أننى حين أردت أن أسجلها خرجت "بالعامية المصرية" مرتدية ثوبا منظوما فضفاضاً معاً، فزاد حرجى وتضاعف ترددى.

ثم حدث فى فبراير الماضى حين كنت أشارك فى ندوة فى البرنامج الثانى فى الإذاعة المصرية عن كتاب الشهر مع الأستاذ الدكتور سهير القلماوى ومؤلفة الكتاب الأستاذة الدكتورة نبيلة محمود وكان عنوانه "القصص الشعبى بين الرومانسية والواقعية"، أن طرحت تساؤلاً على مؤلفة الكتاب عن: "ما هو البديل الصحى للقصص الشعبى بعد تناقص كমে وتشويه كیفه"؟، وكدنا نتفق أن الإذاعة والتلفزيون ليسا بديلاً حقيقياً - بوضعهما

[1] - تم بعض ذلك فيما بعد فى "ترحالات يحيى الرخاوى" (سنة ٢٠٠٠) فى ثلاثة أجزاء (١) الناس والطريق (٢) الموت والحنين (٣) ذكر ما لا ينقال (الناشر جمعية الطب النفسى التطورى).

[2] - تم صدر الجزء الثانى بعنوان "مدرسة العراة" بعد نشر هذا المتن فى طبعته الأولى والجزءان هما رواية المشى على الصراط، (وتصادف أن نالت الرواية تقديراً رسمياً!) وسيصدر الجزء الثالث قريباً بعنوان "الهجرة".

الراهن - فالقصص الشعبي والملاحم الشعبية كان لها - وما زال بدرجة ما - وظيفة سبر أغوار النفس .. بالإشارة إلى الجزء المغمور منها بشكل فنى (قد يقال عنه خرافى أو أسطورى أحيانا). هذه وظيفة تكتمل بها رؤيتنا للجانب الآخر من وجودنا، وقد كان هذا الفن الشعبى يقوم بهذا الدور تلقائيا وبنجاح نسبى.

تساءلت: هل ما زال الأمر كذلك، وهل من بديل؟ أين هو هذا الفن - الآن - الذى يمكن أن يصل إلى عمق ما كان يصل إليه ذلك الفن الشعبى التلقائى؟

أحسست -وقتها - أن حساسيتنا المعاصرة ضد الخرافة، نتيجة لغرور العقل الواعى ومنطقه القاصر والمتعب، قد ينتج عنها تشويه للوجود البشرى وإعاقة لنموه الحقيقى بشقيه الواعى واللاواعى، فالنمو الإنسانى لا يتم إلا إذا شمل جانبى الوجود، وقرب بينهما سعيا إلى أن يندمجا فى كل واحد موضوعى متكامل. إن أى تقدم يتصور أنه إذا ملك ناصية العلم التقليدى وحده، فقد ملك سبيل التقدم المعاصر هو تصور خاطئ، بل هو تصور خرافى مهما سمي علما.

أحسست أن للشعر العامى بوجه خاص دوره فى هذه النقلة الحضارية - إذا أردنا أن نبحث عن بديل حقيقى، لينتشر بين الناس ويغضى هذه الفجوة التى تركها انحسار القصص الشعبى واختفاء "الحدوتة" من بيوتنا ومجالس سمرنا.

رجعت أقلب فى أوراقى "هذه" التى سبق أن كتبتها من سنوات، وتصورت أنها قد تؤدى دورا فى رؤية النفس الإنسانية، وأنها -رغم صعوبة بعض أجزائها، ليست أصعب من بعض الفن الشعبى الذى أدى وظيفته بشكل ما. رحت أراجع بعض ما كتبت من أكثر من عشر سنوات عن أرجوزة "واحد اثنين سرجى مرجى" ثم عن "الحيل النفسية فى الأمثال العامية"، ونشر فى مجلة الصحة النفسية، ثم فى كتابى "حياتنا والطب النفسى" فوجدت أن علاقتى بهذا الفن الشعبى - تفسيرا حينذاك - ليست جديدة، ثم تذكرت تفسيرا آخر قدمته للأغنية الشعبية "يا طالع الشجرة"، نشر فى ملحق ما لمجلة الهلال. جعلت أسترجع كل ذلك وأنا أقرأ أوراقى هذه، فوجدت أن هذا الذى بين يدي يستحق أن ينشر بالمعنى الذى خطر لى أثناء هذا النقاش الإذاعى، ربما كان له دور ثقافى خاص. الحكى الشعبى يُحدث تأثيره حتى ولو لم يكن مفهوم ظاهره.

لم يثنى تخوف قديم على اسمى العلمى، فقد تصادف كل هذا بعيد حصولى على درجة الأستاذية فى فرع تخصصى، وكان هذا الحدث هو علامة أنى أستطيع أن أبدأ بداية كنت أنتظرها من زمن لأتواصل مع الناس مباشرة دون قيود الخوف على الوظيفة أو من الوظيفة. قررت أن أنتصر على ترددى وأتحمل ما يكون.



فى هذا العمل حاولت أن أقدم رؤيتى للوجه الآخر للعلاج النفسى، ومن خلال ذلك أخترق حواجز النفس الإنسانية لأعرضها كما عرفتھا داخلى وخارجى، بنبض الإنسان المصرى فى الشارع، بداية: أؤكد أنها خبرة شخصية، وأنها إنما تصف "الوجه الآخر" للعلاج النفسى فحسب .. أعنى سلبياته وبعض صعوباته ومضاعفاته، أما وظيفة العلاج النفسى الإيجابية وفوائده ودوره البناء، فهذا شأن آخر، كتبت فيه الكتب، وساهمت أنا كذلك فى تناوله.

إن دور الطب النفسى فى المجتمع المعاصر لم يتحدد بصورة نهائية، والصراع بين مدارسه ليس صراعا نظريا بحتا، بل هو اختلاف له دلالة، اختلاف خلىق بأن يجعل الإنسان العادى يقف مرتين قبل أن يأخذ معطياته المتواضعة مسلمات بلا نقاش". .....

العلاج النفسى يشمل عدة أنواع، من أهمها ما يسمى أحيانا العلاج بـ "الكلام" حتى أن بعض الباحثين أسمى هذه الطريقة "الشفاء عن طريق الكلام". يتصور البعض هذا الكلام فى صورة غلبت على ما يسمى "التحليل النفسى" الذى روج للاسترسال والتفريغ، والتداعى، والتبرير، والمريض ملقى على حشبة لمدة معينة. إلخ. إن الكلام هو ما يميز الإنسان - (أو هو من أهم ما يميز الإنسان)، لكن حين يحل "الكلام" محل الحياة، أو حين يصبح العلاج بالكلام هو المبرر الخفى للتوقف عن التطور الإنسانى والنمو النفسى، فهذا هو ما يحتاج لموقف نقدى يقط.

فى الفصل الأول من هذا العمل "لعبة الكلام" قدمت عدة صور تعلن مخاطر هذه اللعبة التى إذا لم ننتبه لها فإننا نسير فى عكس اتجاه التطور. كأننا نموت أحياء إذ نتوقف، وربما كان هذا هو السر وراء تسميتى لهذه الصور "جنازات".

أما الفصل الثانى "لعبة السكات"، فهو يوضح طريقة أخرى فى العلاج النفسى، حين يتم بعض التواصل - وخاصة فى العلاج الجمعى - بالألفاظ، وبدون ألفاظ. يغلب هذا فى حالة المرضى الذهانيين (الفصامين منهم على وجه الخصوص) حين تفشل وظيفة الكلام وتتراجع فيصلح التواصل غير اللفظى أهم وأخطر، ويخترق المريض حجب الطبيب المعالج ودفاعاته وتصبح نوعية "وجود" الطبيب فى الحياة، كما تصل إلى المريض بحدسه الفائق، هى العامل المؤثر فى العلاج، وبالتالي فإن مسئوليته تكون أكبر، والتزامه بالمحافظة على استمراره فى مسيرة التطور تكون أكثر إلحاحا.

عرضت فى هذا الجزء الثانى صورا "للعين"، وكيف يمكن اختراقها للتواصل البشرى البناء الذى يكشف ما هو أغوار النفس، وأعلنت من خلال "قراءة العين" ما تيسر لى مما وصلنى من الآخر ومن نفسى معا.

ختام هذا العمل (الفصل الثالث: لعبة الحياة) جاء بمثابة إعلان أمل لموقفى من الحياة من حيث: إن "الحياة هي العمل معا لتعميرها: الأرض والنفس"، وإن الهرب فى الألفاظ تحت زعم التأويل، أو النكوص إلى إحياء أحاسيس فجة تحت زعم الحرية، ليسا من الحياة فى شىء، وبالتالي فإن العلاج النفسى إذا لم يلتحم بالعمل مع الناس، وسط الناس، وللناس، وهو يرجع بالمريض إلى أرض الواقع - انطلاقا لا تشكلا- بكل ما يحمل هذا الواقع من التزام وألم ومرارة ليبينى نفسه وبنى جنسه من جديد .. إذا لم يفعل ذلك فإنه قاصر أو مقصر .

(.....) ٣ [3]

- ٤ -

أما وظيفة هذا العمل بالنسبة لى فى البداية والنهاية فهو أمل غامض أجاهد لتحقيقه فى رحلتى فى هذه الحياة: وهو أن أتواصل مع الناس أعرفهم ما أعرف، دون أن يطرقوا بابي.  
هأنذا أطرق أبوابهم وألتمس عذرهم وأعرض بعض نفسى بين أيديهم .. اللهم فاشهد.

المقطم فى ٢٣ / ٢ / ١٩٧٧

---

[3] - حذفت الفقرة التى كانت تبرر الشرح الذى ألحق بالمتن فى الطبعة الأولى، كما حذفت بعض الاستطرادات، والخاصة باستشهادات على مجمل موقفى من "نقد الطب النفسى الميكنى"، تخوفا من أن يعدنى القارئ من أنصار ما يسمى بـ"الحركة المناهضة للطب النفسى"، وأنا لست كذلك.

## تصدير

- ١ -

كل القلم ما انتقص يطلع له سن جديد،  
"وايش تعمل الكلمة يابا، والقدر مواعيد؟"  
خلق القلم مالدعم أو راق، و.. مالاها،  
وان كان عاجبي وجب،  
ولا أتتى بعيد.

- ٢ -

بصراحة انا خفت.  
خفت منهم، خفت "منى"، .... خفت مئا.  
خفت مالطوب، والطماطم، والمالم والتريقة،  
خفت مالبيض المششش، والنكت، والبلقة.

- ٣ -

قلت انا مش قد قلمي.  
قلت انا يكفيني ألمي.  
قلت أنا ما لي، أنا استرزق واعيش،  
والهرب في الأستدّة زيّنه مافيش،  
والمراكز، والجوايز، والدّى ما بينتتهيش  
قلت اخبى نفسى جوا كام كتاب.  
قلت أشغل روى بالقول والحساب.  
والمقابلات، والمجالس  
والجماعة مخلصينلك كل حاجة. أيوة خالص.  
بس برضك وانت "جالس".

-٤-

قلت أرسَمَ نفسي واثدَّكَرَ وارْصَ.  
قلت أتفرَّجُ و أتفلسِفُ وابْصُ.  
بس يا عالمَ دا دمَ ولحمِ حَى.  
أستخبِّي منهُ فينْ ؟

-٥-

المريض ورَّانى نفسي  
المريض خلانى أتلمَّمْ واقكَّرْ.  
المريض عدَّلى مُخَى،  
نضفُّه من كل واغشْ، كانوا فارضيَّه عليه.  
من ملاعيب اللى بايع ذمته بمعرَفِشى إيَّه.  
من شوية آلاتِيَّة، والعَشا الـ "أوبن بوفيه".

-٦-

بيجى صاحبك "ملط" إلا مالِحَقِيقَه،  
بيجى يزقِّلُها فى وشى وتنه ماشى.  
الأصول إنى أعالجه، واكفى ماجور عالخبِرْ.  
"بكره يعقل! بالدواعِ المُعتَبِرْ".  
بس والله يا عالمَ لمْ قَدِرتِ.  
لمْ قَدِرتِ أعمى بَنَوَاضِرَى،  
حتى لو كان العمى دا "رأسمالك"،  
أو كما سمُوهُ حديثا "مَشَى حالك"،  
يعنى "طَنَشْ، إنت مالِك".

-٧-

قلت: إَعَقَلْ يا ابنِ نَفْسِي.  
قلت: حاسب ما القَضَايَحِ والجُرَسْ.  
قلت إديها عمى حيسى، وزود فى الحَرَسْ.  
نط غصبين عنى، ورَّانى إتى هوَّه.  
بس جوَّه !!!  
قلت أخطف نظره عالماشى واغمَضْ من جديد،  
هيه نظره -واللى خَلَقَك- لم تَنِيثْها

بصيت لقيت الزقه بتلف الضريح لم بطلت، وتقول مكد!!

بسّ العِمَامَة اتغَيَّرَتْ:

والحاجات، هي الحاجات المش حاجات.

الطبيب أصبح مهندس للعُقُول

البَاطِظَة (يعنى ..!!)،

واللى برضه اتصلَّحَتْ.

(الطبيب دا هوّ انا، مش حد غيرى)

اللّه عليه، والسّتْ بِيَتَمَسَّى عليه!

والشاشة، والواقع، خلاصة القول، منظوم الكلام:

آخر تمام، فى حلّ مُعضِلَة الأتّام:

"لما كنا نَحْنُ فى عصر القَلَق،

"تستعيدُ برَبِّنا مما خلق"،

يبقى لازمَ كلنا نقلق قوى،

واللى ما يقلقش لازمَ يكتتب،

إمّال اييه...؟!

ثمّ إنّ الأم لازم، إنّها تحبّ عيالها

دا لزوم فك العقد إالى فى بالها.

فلقد ثبت: إنّ العُقْدَ "وحشة قوى"!!.

هَذَا الذى قد أظْهَرَهُ البَحْثُ الفُلانِي،

"لما عد التانى ساب الأولانى".

ثم أوصى: "أن يكون الكلّ عالّ.

إذ لا بُدَّ أن الكُويّس:

هوّ أَحْسَنُ مَالِذَى ما هُوشْ كُويّس.

إمّال اييه؟"

[هذا برنامج "عفاف هانم"،

بتسأل حضرة الدكتور فلان ]

- ١٠ -

وساعات أشوفه مِطَيَّاتِي مُعْتَبِرْ،  
آه يا حلاوتُهُ وهُوا يِلْبَسْ خُدُودُهُ الْإِبْتِسَامَةُ،  
أو لَمَّا يِيْشَخَبُطْ وَيَكْتَبِلْكَ حُبُوبُ "مَنْعُ السَّامَةِ"،  
أو لَمَّا يُوصَفُ حَقْنَةُ الْمُحَايَاةِ تَقُومُ تَمْسَحُ مِشَاعِرَكَ "بِالسَّلَامَةِ".

- ١١ -

وساعات أشوفني كما "الأغا"  
بِيضَحَكَ الْمَلِكَةَ، وَيُسْتَعْمَلُ مِنَ الظَّاهِرِ، بَسْ.

- ١٢ -

وساعات جنابه يلف أحكامه ف زواق، مش أى "حاجة".  
يفتى كما قاضى الزمان وكأنه جاب المستخبي، يقولك انك :  
"لا تخف"! و"دع القلق"، "بطل سماجة"،  
"كن منافق"، يعنى "جامل"، "مئى حالك".  
تبقى ماشى فى السليم، مهما جرالك.  
والعواطف تَتَشَحَّنُ جَوَّ الْعَيُونِ زَى الْبِضَاعَةِ.  
(كل ساعة تُصَّ سَاعَةٌ).

"يعنى إيه ؟!؟"

".. مش مُهم".

- ١٣ -

والجنازه زقة تُرْقُصُ عَالِسَرَّائِرُ -  
فى البيوت اللى حوالىهَا الستائر.  
واللى خايف من خياله،  
اللى خايف مَالْعَسَاكِرِ.. والرقيب،  
واللى بيوزع تذاكر يا نصيب،  
واللى يفرق دوا "ضد الذنوب"،  
واللى ماشى يشق فى بطانة الجيوب.  
والعرايض، والجرايد،  
واللى بيرصوا الكلام؛

"قف مكانك، أو تأخر للإمام!"

بحرؤوا سيدنا الإمام

"سر، بضهرك..."

والعرق؟: إلگوز بكام؟.."

- ١٤ -

أما صورة مرعية يا خلق هو. إلحقوني.

قلت غاطان والنبي يا ناس سييوني.

قلت اغمض تاني حبة صغرين،

.. لم قدرت.

طب حافتح ليه يا عالم؟ هي فرجة؟!

بص لي "صاحبك" ولعللي حابيه،

قال: وقعت.

والقلم كمل كيني لم وقفت:

- ١٥ -

بقي دي حياتنا يا ناس، وأخره صبرنا؟

الحياه؟ نقعد نبحكي لبعضنا؟

الحياه؟ نقعد نحس، نبيص، يتهيأ لنا؟

طب واحنا فين "دلوقتي" حالا "أو هنا"؟

دي المركب الماشية بلا دقة ولا مقلع حاشرد ميننا،

واوعى الشقوق توسع يا نايم في العسل،

لا المية تعلو، تزيد، تزيد،

.. مية عطن، تكسي الجلود بالدهنه،

وتفوح ريحتها تعمى كل اللي يحاول يتلفيت ناحية "لمذا"،

أو "لمعنى" يكون ما جاشي في "الكتاب"،

أو للى "جوّه"،

أو نواحي "ربنا" !

(الرحمة يارب العباد: اغفر لنا).

- ١٦ -

واللعب دايّر ليل نهار لم يَنْقَطْ،  
والسيرك صاخبه واقفلى بيلف العَصَا  
ويقول بعزّ ما فيه: أهو دا اللى ممكن، واللى عاجبة!

- ١٧ -

أنا مش عاجبنى هيه، ولازمن يثحكى،  
كل اللى جارى.. لاجل ما الناس تنتبه قبل الطوفان،  
للناس... لكل الناس حا قول.  
رد الجميل للطير بيترزف م الألم قدام عيوني.  
قالوا "مريض" لكنه أستاذ الأساتذة كلهم.  
علمنى أشوف. علمنى أصحى.  
علمنى ضرب النار، بكلمة صدق طالعة مولعة.  
تحرّق عبيد الضلّة والتفويت وشغل الهمبكة،  
وثنور السكة لإخوان الشقا،  
للى يقايس، للى يحس، ييُص، يتجرأ، يشوف،  
للناس.. لكل الناس حاقول؛

- ١٨ -

دا حق كل الناس يا ناس.  
حق اللى ورانى حقيقتى،  
حتى لو كانت مش حقيقتى،  
[الحقيقة انك تدور عالحقيقة.]  
دا دين ولازم يندفع،  
دا دين على للى قالهالى وما اقدرشى يكمل،  
لكنه علمنى، ووصانى أوفى الدين لأصحابه الغلابة،  
وازاى أنا يا خلق هو حاكى وانا غارق لشوشتي؟  
أهو داللى كان، حتى ولو ما كاشفشى منى إلا خيبتى.  
ما قدرتش اسكت، دا السكات يبقى خيانة للى كان.  
هو انا ناقص رجل، ولا ماليش لسان ؟  
أنا رايح اقول كل اللى عارفه حتى لو جاني الفقى مددنى



فى الفلكه وقطع جتــــتى:  
إن كنت عايز تلعب "العشرة" وثبقى الطيبة؛  
نكشف ورقنا قبل ما الواد يثحرق،  
واللى يبصر "بالبيّة" يبقى ذنب الثانى على جنبه،  
مالوش يزعل بقى. ما كان يشوف!  
ما اللعب عالمكشوف... أهه.  
وسع بقى..!!

- ٢١ -

القلم صحصح ونط الحرف منه لوحدّه بيخزق عينيّ،  
وابتدا قلمي يجرحنى أنا.  
قالى بالذمة:

لو كنت صحيح بنى آدم،.. بيتحس،  
والناس قدامك فى ألمهم، وف فرحتهم،  
وف كسرتهم، وف ميلة البخت،  
مش ترسمهم للناس؟ الناس التانية؟  
إلى مش قادرة تقول: "آه" عند الدكتور.  
أصل "الآه" المودة غالية،  
لازم بالحجز،  
لازم بالدور.

مش يمكن ناسنا الغلبانة إالى لسه "ما صابهاش". الدور؛  
ينتبهوا قبل الدحيرة - قبل ما يغرقوا فى الطين.  
ولا السبوبة حاتتعتل لو دعت السر؟  
ولا انت جبان؟

- ٢٢ -

بصراحة انا خفت.  
خفت من القلم الطايح فى الكل كليلة.  
حيقووا إيه الزملا المستنبة الغلطة؟  
حيقووا إيه العلما المكن

(يسكون عَالِكَا ف .. إوعك تَعْلَطُ)  
على عَالِم، أو مُتَعَالِم: بيقول كَمَا رَاجِل الشَّارِع

- ٢٣ -

القلم اتَهز فْ إيدى،  
طَلَعْ لى لِسَانُهُ،  
ما يقولوا!!  
حد يقدر يحرم الطير من عُتَاه؟!  
من وليف العش، من حضن الحياة؟!  
تطلع الكلمة كما رَبَّى خَلْقَهَا،  
تطلع الكلمة بُعْبَلَهَا،  
تَبْقَى هِيَّ الْكَلِمَةُ أَصْلَ الْكُونِ تَصَحَّى الْمَيِّتِينَ.  
والخايف يبقى يوسّع،  
أحسن بطرطش،  
أو تيجى فْ عينه شرارة،  
أو لا سَمَحَ الله  
يكتشف أَنَّهُ يَجِسْ.

## إهداء

يَا تَرَى الْكَلِمَةَ حَا تَقْدِرُ تَنْقُشِي سِرِّي؟  
يَا تَرَى مِينَ فَيَكُو يَسْتَحْمِلُ مَرَارَتِي؟  
يَا تَرَى مِينَ فَيَكُو حَايَسَاعِي شَقَاي؟  
أَهْدِي مِينَ؟ أَهْدِي إِيَّاهُ؟  
هُوَ عُمُرُ الْمُرِّ يَنْهَادِي يَا عَالَمُ؟  
قُلْتُ انْطُفِءْ وَسَطَ خَلْقِ اللَّهِ جَمِيعاً..  
هَمُّهُ دَوْلَ حِمْلِ الْكَلَامِ الْمُرِّ وَالْدَمِ اللَّيْ يَغْلِي.  
هَمُّ دَوْلَ حِمْلِ الْحَقِيقَةِ.  
قُلْتُ أَهْدِيهَا لِبَلَدِنَا،  
لِلَّيْ غَنَى .. وَاللَّيْ صَحَاةُ الْغَنَى.  
يَا مَا قُلْتُمْ يَا أَهْلَ مِصْرَ يَا فَنَانِينَ،  
يَا غَلَابَهُ، يَا حَضَارَةَ، يَا تَارِيخَ.  
يَا مَا قُلْتُمْ، وَيَا مَا عَدْتُمْ.  
صَحِّتُونِي.  
[وَاللَّيْ بَنَتْ مِصْرَ كَاتُ فِي الْأَصْلِ: غَنِيَّةٌ].

\*\*\*

الْهَدِيَّةُ لِلَّيْ غَنَى، قَالَ: "بَهِيَّةُ لِي يَاسِينَ"،  
وَاللَّيْ صَحَّى لِيْلِي وَالْمَجْنُونُ يَغْلُوا لِمِصْرَ تَانِي.  
وَاللَّيْ عَلِمْنِي حَلَاوَةَ الْمُرِّ .. مِنْ جُودِ النَّقَايَةِ،  
وَاللَّيْ .. وَاللَّيْ .. وَاللَّيْ .. وَاللَّيْ .. وَالْجَمِيعِ.  
يَا تَرَى تَقْبَلُ يَا شَاعِرَ مِصْرَ يَا صَاحِبَ الرَّبَابَةِ؟  
يَا تَرَى يَا أَهْلَ الْحَضَارَةِ وَالْكَلامِ الْحَلْوِ وَاللَّحْنِ الْأَدَانِ.  
تَقْبَلُوا مِنِّي الْهَدِيَّةُ؟  
أَصْلِي غَاوِي،  
بَسْ يَا خَسَارَةَ مَا نَبِشُ لَا بَسْ طَاقِيَّةُ،  
قُلْتُ انْقُطْ بِالْكَلامِ.  
اعتذار (لحببيتي: الفصحى)

طب وحبیبتی.. راح اقول لها إيه؟  
إللی ما عمرها قالت لأ،.. ولا "میش قادره"  
ولا فيها شئ يتعایب: حلوة، وغنیة، وبنت أصول!  
معلشئ النوبة، المرأ دی سمأح.  
أصل الحدوتة المرأ دی كان كلها حس،  
والحس طلع لی بالعامی بالبلدی الحلو.  
والقلم استعجل.  
ما لحقشئ یترجم، لتفوتنه أيها همسة،  
أو لمسه، أو فتفتوتة حس.  
معلشئ النوبة.  
وأهی لسه حبیبتی..،  
حتى لو ضررتها غازیة،  
.. یثوق صأجات.

---

## الفصل الأول: لعبة الكلام

### سبعُ جنازات

#### مقدمة

- ١ -

مرَّ الهَوَا صَقْرٌ، سَمِعْنَا الصُّوتَ كَانِ النَّعْشُ يَبْطُلُ كَلَامُ:

"لَا..، لَسَّةٌ..، إِنْكُتْ،.. لَمْ حَصَلْ.

،سِيمَا ..، يَأْتَاكْسِي، .. لَسَّةٌ كَام ؟"

أَيَّ كَلَام.

أَلْفَاظُ زِينَةٍ، مَسْكِينَةٍ،

بِتَزَقْزَقٍ، وَثُصُوصٍ،

.. وَخَلَاصٌ!!

اللفظ مات من ركنه.

من لعبة العسكر وطول تخبيته،

ظرف رصاص فاضى مصدى ف علبته.

لما القلم سنه اتقصف؛ عملته تلبسه تمكن ماسكته،

وهى شخبطة.

- ٢ -

واحد نايم مِثْلُطُحْ، وعنيه تتفرج:

على رسم السقف وعلى أفكارو اللي بتلف،

تلف، تلف،

وكلام فى كلام .. هاتك يا كلام. يا حرام!!

والتانى قاعدلى وراه، على كرسى مذهب.

قلبه الأبيض طيب. وسماعه لم يشعيب،

عمال بيفسر أخلام

وصاحبنا يرص ف أوهام،

وعقد، ومرغب، و"المكتوب"

و:قدر"، وحكاوى، وصف دنوب.

وأخينا شفايفة قفل رصاص،

وودائهُ يا خويا شريطُ حسّاسٍ.  
يسمَعُ حكاياتٍ .. حكاياتٍ،  
وتمرّ ساعاتٌ وساعاتٌ،  
(ما أظنُّشُ أيوبُ ماتُ).  
"إشى عدّى البحر ولا اثبَلْشُ؟؟"  
"قالك: العجل فُ بطن امه!!"  
أرزاقُ ...!

وخلايق لا بسّه الوش زواقُ.

- ٣ -

اللفظ قام من رقدته.  
ربك كريم ينفخُ في صورته ومعنّته.  
يرجع يغنى الطير على فروع الشجر.  
ويقول "يارب"،  
وتجيله ردّ الدعوة من قلبه الرطب.

- ٤ -

ألفاظ بتهزّ الكون،  
وبتضرب في المكين،  
وتغيّر طعم الضحكة،  
وتشع النور ما الضلّة،  
وبتفضّح كذب السّاكت،  
وبتفقس كل جبان.

### الجنّازة الأولانية

من شطى لشطى

(١)

الشط التانى النمّش باين:  
كل ما اقرب لهُ، يتأخر.  
ومراكب، وقلوع، وسفاين،  
والبحر الهو مالوش آخر.

(٢)

لأَمْشٍ لَاعِبٍ.

حاستنى لما اعرِفَ نفسى، من جوّه.

على شرط ما شوفشنى اللّٰى جوّه.

واذا شفته لقيته مش هوّه،

لازم يفصل زى ما هوّه.

(٣)

أنا ماشى "سريع" حوالين نفسى،

وباصبح زى ما بامسى،

وان كان لازم إنى أعدى:

راح أعدى من شطى لشطى، هوّا ذا شرطى.

(٤)

ولحدّ ما يهدى الموج،

واشتري عوامة واربطها على سارى الخوف،

ياللا نقول "ليه"؟ و"ازاى"؟

"كان إمّى"؟ "يا سلام"!! "يبقى أنا مظلوم".

شكر الله سعيك!!

## الجنّازة الثانية

الركن بتاعى متحضّر

(١)

الركن بتاعى متحضّر،

حارّ جَعْلُهُ واسيبكم،

ساعتين احسّ بكم.

حافضل كِدَهُهُ

طالع

نازل،

زى اليويو،

كِدَهُهُ.

(٢)

أصل انا خايف.

أنا خايف موت، أنا ميّت خايف.

لكن قولى:

هو الميت بيخاف؟

طبعا بيخاف،

بيخاف يصحى.

(٣)

ياللابّنا نلعب يا جماعة لعبة "هيا هُبْ".

نقعد مع بعض.

قال إيه، ونحسّ،

وكلام للصبح،

ونقول بنحب.

فيها لاخفيها، أنا فين بيها،

ما هي مش موجودة من أصله.

قدّم رجل ثغوص الثانية،

دانا كل ما زاد الناس،



باغطسْ وبُدُونْ إحساسْ.

(٤)

ومادام الركن متحضر هنا تحت الأرض:

راح انط لفوقْ،

وأعدى الطوقْ،

وارضى القرداتى.

يسترزقْ.

### الجنزة الثالثة

ريحية بنى آدمْ

(١)

طيب طيب، واحدة واحدة.

أنا حاقّلع أهة:

أدى صورتى يا سيدى،.... شرّ مطّها،

وادی قصّة حبّ،

وادی عقدة نقص، وكسرة قلب.

أهو كله كلامْ

(٢)

أنا قالع ملط،

لكنى مش عريان.

هوّا انا مهبول؟

أديك نفسى لحمة طرية؟

على إيه؟

الناس الشرفا فى الغابة أنبل منكم.

ياكلّوها علنا بشجاعة من غير تبرير.

ولا ييجى واحد منهم بيه،

يسأل بالعلم المتمكّن: بيحس بايه؟

ويقلب سيخى،

ويقول لى حسّ، بالنار من تحتكْ.

كما إنى بأحسن، بحلاوة رِيحتكُ.  
الحالة دى صعبة ومهمّة،  
تنفع للدرس.

### الجزء الرابع الموت السرى المتدّلب

(١)

لا ياغم. كده أحسن.

.....

أصل الموت علناً بيخُض.  
ولا حدّ يقول، ولا حدّ يردّ.  
ولا فيه مزّيكاً،  
ولا جنس يا وىكا،  
ولا فيه كل واشكر بالفستق،  
ولا كفتة وكبدة وحتة كيف،  
ولا فيه تصنيف.

(٣)

خلينا كده نلعب فى السر،  
قال إيه عايشين.  
وأقول: "أنا رأيى يا جماعة".  
وكانى عندى رأى صحيح.  
وراح اعمل زى ما اكون باخْتارُ.  
أو أرفع حاجبى وأنا محْتارُ.  
كده،.. شبه الجدّ.

(٤)

يا أخينا:

لما انت عرفت انى مَيّت، بتقرّب ليه؟  
ماتكونشى عايز تتفرّج؟  
على إيه؟

عايز تعرف ازاي المييت بيحس.  
إزاي بيطلع حس.  
ولا حاتأخذ تفاصيل النعي؟  
تكتب إعلان وبخط اسود وبنط عريض:  
"إن المرحوم كان واحد بيه،  
ولاخدشي نصيبه في الدنيا ويا عيني عليه.  
والمعزى من سنة لتسعة،  
بـ "معاد سابق".

(٥)

بس ما تئساش:  
ضرب المييت أكبر حُرمة.  
إزرع صبار جنب التربة،  
والشيخ "عارف" يقرأ سورة الرحمن.

### الجزاة الخامسة

الله ياسيادی

(١)

الله ياسيادی..،  
عَيِّلْ غلبان...،  
مسكين تعبان.  
يستاهل العطف والشفقة، وشوية حب.

(٢)

نفسى اتمرّج، وارجع تانى أَرْضِعْ مالبز،  
واتلّذ.

عايز ابقى معاكم، شايِلْنِي شيل،  
حتى على خشبة نعش.  
هيلا بيلا، يا حَلَّى.

(٤)

خلينا مع بعض: نتوؤس،

وندرُش.  
بس ما نمشيش قدام.  
وحانمشى ليه؟  
ما تبص يا بيه:  
دا الكلب بيجرى ورا ديله، نهاره وتليئه،  
وانا ديلي لافيف جوايا،  
ولا حد منكم ويأى.

(٥)

مش نِعقل ونبطل نحلم.  
واذا كننوا مُصرين قال يعنى،  
هاتوا حته.  
خايف اقرب،  
ولا اجرّب  
خليها مستورة أنا ف عرضك.

### الجنّازة الساتّة

#### قبر رخام

(١)

طَفَش الغجر ميا الحجر..،  
من غير سلام،  
وكان مولانا ما كانشى  
يوم إمام.  
شدّوا الستائر، كعب داير،  
وخيوطها من ليف الضلام،  
والنصبّة كانت مش كما الواجب،  
ولا قدّ المقام،

(٢)

كان بودى إنى ما أجرّحشى حد.  
كان بودى ما شوقشى إن الحارة سد.

كان يودى أصدق إنَّ العدلُ ممكنُ.  
قالوا "جرب"، قلت "يمكن".

(٣)

شاف صاحبنا شوف يورّيه إيه رسالته"  
ربّنا نور بصيرته، قام مرّاجع كل سيرته،  
اتوجّع، لكّنه كمّل، يحكى كلّ اللّى حصل:

(٤)

التعلّب، فات فات،  
وف راسه، أيّدولوجيّات.  
والثورة: شوية كلمات،  
وانا وانت: لايسين باشوات،  
بنحكي، ونقول حكايات:

(٥)

"فى الواقع: إن الواقع، واقع جدّاً،"  
والبنى آدم يادوب: مادّة وتاريخ،  
والتاريخ عرّكة اللّى فاز فيها ببرّك.  
يطلع المنبر ويخطب:  
إلعيال الشغالين همّ اللّى فيهم،  
باسمهم نلعن أبو اللّى خلفهم  
"باسمهم كل الحاجات تبقى أليسطا  
والنسا تلبس باطيسطا  
والرجال يتحبّجّوا، عامل وأسطى".

(٦)

يعنى كل الناس، عموم الشعب يعنى :  
لم لابد إنه بيتعدّى لحدّ ما بطّنه تشبّع.  
واما يشبّع يبقى لازم إنه يسمع.  
وان لقى سمعه ياعينى مش تمام، يبقى يرّكع.  
بس يلزق وثدنه عالارض كويس،  
وان سمع حاجة تزيّق، تبقى جزمة حضرة الأخ اللّى

عَيْنَ نَفْسُهُ رَيْسُ،

لَا جُلَّ مَا يُعَوِّضُ لَنَا حَرَمَانُ زَمَانُ. إِمَالِ إِيه؟

واللى يشبع مِنْكُو أكل وشُوفْ، ركوع، سَمَعَانُ كَلَامُ،

يَقْدَرُ يَنَامُ: مُطْمَئِنُّ، أو ساعات يقدر يَفِنُّ.

واللى ما يسمعشى يبقى مُحْهُ فَوْتُ، أو غراب على عِشْته زَنُّ.

(٧)

والحاجات دى حلوة خالص بس إوعك تِسْتَمَكِّي إِنْكَ تَقِيسَهَا،

أَصْلُهَا خُصُوصِي، وَمَحْطُوطَةٌ فِي كَيْسِهَا.

وانت بس تَنْقِذِ الْحَيَّةَ اللَّيَّ بَطَّطْتُ (يعنى بانَّت).

إنت حُرْفُ كُلِّ حَاجَةٍ، إِلَّا إِنْكَ تَبْقَى حَرَّ.

(لَا، دى مش زَلَّةٌ قَلَمُ، وَلَا هِيَّةٌ هَفْوَةٌ،

مش ضرورى تَنْفَقَهُمْ، لكن مَفِيدَةٌ،

زى تَفَكِّيكة "داريدا").

يعنى كل الناس يا حبة عيني ممكن تبقى حرَّة.

حرة كما وُلِدُوا وَأَكْثَرُ،

يعنى بلبوص حر خالص، بس ما ينطقشى كلمة،

..... يتخدش بيها حياءُ حامى البلاد من كل عُمَّة،

ما هو مولانا رأى الرأى اللى ينفع،

الحكومة تقول، يقوم الكل يسمع.

واللى عايز أمر تانى، ينتبه للأولانى .

مش حا تفرق. قول يا باسط.

والوثائق فى المعانى، والمعانى فى المباني.

(برضه تَفَكِّيكة داريدا، تبقى هَاصِطُ).

(٨)

الدنيا دى طول عمرها تَدَّى اللى يَغْلِبُ:

سيف ومطوَّة

واللى مغلوب ينضرب فوق القفا فى كل خطوة

أصل باين إن "داروين" كان ناويلها:

إن أصحاب العروش. ويَّا أصحاب الفضيلة،

يعملولنا جنس تانى. جنس أحسن.  
 إسمه: "إنسانٌ مُحَسَّنٌ،  
 واللى يفضل منا إحنا؟  
 مش مهم.  
 إحنا برضه لسة من جنس البشر. ..القديم.  
 يعنى "حيوانٌ بيئطق"،  
 مش كفاية؟؟  
 ليه بقى عايز يقلب، ولا يفهم؟  
 هوّا إيه؟ هيا سايبة؟  
 يعنى إيه الكل يفهم ؟  
 مش ضرورى،  
 يكفى إنه يقرأ "ميثاق" السعادة،  
 واللى صعب عليه حايلقى شرحه فى حُطْبِ القيادة.  
 واللى لسة برضه مش فاهم يحاكم .  
 وانْ تَبَتْ إنه برئ. يتَرَزَع نوط "العَبَط"  
 وانْ تَبَتْ إنه بيْفهم، يبقى من أهل اللَّبَط.  
 "يعنى إيه؟"  
 زى واحد ناسى ساعته.  
 يعنى نفسه فى حاجاتٍ، مش بتأعته  
 "زى إيه؟"

(٩)

زى واحد جه فى مخه-لا مؤاخدة -يعيش كويس.  
 "برضه عيب"

هو يعنى ناقصة حاجة؟

قال يا أمي، والنبى تدعى لنا إحنا والرئيس،  
 ربنا يبارك فى مجهودنا يكتر فى الفلوس.  
 بس لو نعرف معاهم قدّ إيه، واحنا لينا كام فى إيه!

(١٠)

"آدى أخرة فْهمك اللى مألوش مُناسبة.

طَبُّ خُدُوءٍ، وَضَبُوءٍ،  
وَاحْكُمُوا بِالْعِلِّ يَعْنِي: إِعْدِلُوا  
تُهمُّهُ تَرْوِيج "شَفَافِيَّهِ" مُعَاصِرُهُ  
هَذَا مَلْعُوبُ الْخَوَاجَةِ،  
وَإِنْ رَمِينَا الْكُومِي بِدَرِي، تَبْقَى بَصْرُهُ.  
"الْكَلَامُ دَا مِشْ بَتَاعَتْنَا،  
دَشْ مَا لُهُوشْ أَى مَعْنَى"  
تُهمُّهُ التَّانِيَّةُ "الْبَجَاحَةُ"  
وَإِحْنَا فِي عِزِّ الصَّرَاحَةِ،  
وَاللِّي عَايِزْ غَيْرَ مَا يُنْشَرُ،  
هُوَ حَرَّ أَنَّهُ "يَفْكُرُ"،  
فِي اللَّي عَايِزُهُ.  
أَوْ يَشُوفُهُ جَوًّا حَلْمَهُ،  
وَإِنْ حَكَاهُ يَحْكِيهِ لِأُمِّهِ،  
وَإِنْ أَخَذَ بَالَهُ وَقَالَهُ مُوْطَى جِسْمُهُ،  
مُسْتَحِيلٌ حَدَّ يَمْسُهُ.

(١١)

قَالَهَا يَا مَّةُ أَنَا شَفْتُ اللَّيْلَادِي:  
إِنِّي مَاشِي فِي الْمَعَادِي.  
شَفْتُ نَفْسِي بِاخْتِرْعِ نَظْرِيَّةَ مَوْضَةٍ،  
زَى سَاكِنُ فِي الْمَقَابِرِ يَبْنِي قَصْرَ أَلْفِ أَوْدَةٍ:  
"وَالْعَوَاطِفُ أَصْبَحَتْ مِلْكُ الْحُكُومَةِ،  
وَالْحُكُومَةُ حُلُوةٌ خَالِصٌ.  
عَبَّتِ الْحُبَّ الْأُمُومِي، وَالْحَنَانُ،  
جَوًّا أَكْيَاسِ الْمَطَالِبَةِ بِالسَّلَامِ،  
وَالطَّوَابِيرُ اللَّي كَانَتْ طَوَلَهَا كِيلُو،  
اخْتَفَتْ مَا عَادَتْشَى نَافِعَةٍ.  
"أَصْلُنَا شَطْبْنَا بِيْعِ وَبَلَّاشْ مِلَاوَعَةٍ"  
وَاللِّي طَالَهُ مِنْ رِضَا الرَّيِّسِ نَصِيبُ:



فاز، وقلع.  
واللى لسه ما جاشى دوره. بات مولع.  
قام سعادة اليه قايل له: "تعالى بكره"  
[درس مش عايز مذاكرة"]

ورحت صاجي.

(١٢)

قالوا إن أكرمئوا ميئتكو اذفئوه.

(١٣)

دا القبر رخام،  
والنقش عليه آخر موضه، خلاله مقام،  
واللى دفئوه، سوا من مده، يسئوا المرحوم كان مين.  
أتاريه كان شبه الإنسان.

### الجنزة السابعة

#### حمام الزاجل

(١)

عايزين إيه منى؟  
أنا مالي؟  
أنا عايزه أعيش،  
زى الباقيين،  
يبقى لى عش صغير، وغيال.  
ولفندي بتاعى (أيوه بتاعى ملكى)،  
يرجلى تملى.. زى حمام الزاجل.  
يحضنى أنا وغيالى،  
يطوينى تحت جناحه،  
وراح اربط رجله بقتلة ليطير.

(٢)

أنا مالي بكل الناس؟  
ما تحبهم.

هَوَا انا قتلْتُكو اَنَا باكَرَه حَدَّ؟  
حَبُّوهم بكلامُكُمْ يعنى،  
مش حا يخسّر.  
ما انا بَرَضُهُ باحِبَّ ائى اتكلم،  
لكنى مَشْ قد كلامى  
دا كلام كِدَه بس  
ولا عايزه أصلح حَدْ،  
ولا واخذه كلامكم جَدَّ،  
ولا نفسى أعدّل فى الكون،  
ولا شائِلُه هَمَّ المطحون،  
ولا قدرة أصحاب المجنون  
ولا نأوية أبطل بَصْ ورَصْ.  
واهُو كُلّه كلام.

(٣)

أنا عايزة حد يعوزنى،  
وأعوز عَوَزَانُه،  
إشمعنى حسن ونعيما؟  
إشمعنى بتوع السيما؟  
أنا مَشْ قدّ الحب التانى  
وان كان لازم نتطور؟  
نتطور،  
ما يضرّش.  
بس ارجع تانى لعشّى،  
ولفندى بتاعى،  
يطوينى تحت جناحة،  
وانا ماسكة الخيط بالجامد،  
لَيَطِيرْ.

## الفصل الثاني: لعبة السكات

### ستأشَرُ عين

#### مقدمة

يالَا بَنَّا نلعب يا جماعة: لعبة "هُس".

فَتَّحْ عَيْنَكَ بُصْ،

إِنْ كُنْتَ شَاطِرٌ حَسْ.

"أنا مين؟"!

ما تقولش.

مجنون؟

ما تخافش.

جَرِّبْ تانى، مِا لِأَوَّلْ

...

... راح تتعلم تقرا وتكتب من غير ألفاظ:

مش بس عُنَيْكَ،

تدويره وشَّكَ

وسلام بُقَّكَ عَلَى خَدَّكَ،

والهزّه فَ دَقْنِكَ،

وكلام اللون :

اللون الباهتِ المَيِّتِ،

واللون الأرضى الكَلْحَانِ،

واللون اللى يطق شرارُ،

واللون اللى مالوش لونُ،

وعروق الوشْ،

والرقبة،

وخطوط القوره،

وطريقة بَلْعِكَ رِيَقُكَ

تشويحة إيدك...!

إلى آخره.

لما حانسكت حانحس،  
أو نعلن موتنا.  
وخلص!

...

مش يمكن لما نحس،  
نقدر نبتدى ما لأول ؟

## العين الأولانية

قهوة سادة، وكلام

(١)

يَآمَّا قُلْنَا وَيَآمَّا عِدْنَا، وَيَآمَّا أَحْلَامُنَا خَدَتْنَا،  
كُنَّا بَنَخْطَطْ وَنَرْسَمْ، فِي الرَّمَالِ نَبْنِي بِيوتْنَا.  
صَاحِبِي سَافِرْ. خُفْنَا نَبْنِي،  
قُلْنَا نَكْتَبْ، حَلْمِ أَيَّامِنَا اللى جَايَّة.  
وَالكَلَامْ فَوْقِ الْوَرَقِ : بِيَخْطَطِ الدُّنْيَا اللى هِيَّة.  
حَلْمِنَا بِالْعَدْلِ كَانَ دَايِمًا شَاغِلِنَا ،  
وَالْوَلَايَا وَالْغَلَابَا كَانُوا وَصْلَةً حُبِّ بَيْنَا.  
كُلَّ خَلْقِ اللَّهِ تَبَعْنَا.  
نَشْتَرِي حَتَّى اللى بَاغْنَا.  
وَالسَّمَاحْ، .... وَالْمِلَاحْ،  
وَالشَّهَادَاتْ، وَالنَّجَاحْ.  
كُلَّ دَا قَالِ وَ "أَحْنَا بَرَهْ"،  
يَعْنِي: بِالْحَلْمِ الْمَسْرَّة.  
قُلْتُ لَهُ: دِي بِلْدِنَا أَوْلَى،  
نَاسُنَا وَأَخْذِينَهَا مِقَاوِلَه.  
صَبْرْ، وَالشَّغْلَ "عَلَاوْلَه".  
حَنَّ قَلْبَه وَجَانِي طَايِرْ،  
بِالْبِشَايِرِ.

(٢)

قلنا يا الله نغوص سوا فُ طين أرضنا،  
واحدة واحدة نبتدى على قَدْنَا.  
وابتدينا من جديد،  
حَطَّ إيدِه ف إيدى، قلنا مش بعيد.  
صاحبى راجع "حُرَّ خالص"،  
والكلام جاهز وهايص.  
صاحبى لابس عمّة خضره  
بس يرطن مالشمال، ولا عنده فكرة،  
مش على باله اللي جارى،  
فى الزوايا، فى الثُرب، أو فى الحواري.  
قلت اشوف مين اللي هلّ على يانى،  
هّوه هّوه؟ ولا جانى حدّ تانى؟  
قلت اجرّب،  
قلت أقرب،  
ما لقيتوش. مالفيتشى نفسى،  
قلت جوعى نيعمى حسّى.  
بس برضه فضلت ادور،  
قلت أبص ف عيئه أكثر:

(٣)

مش يمكن الاقى البذره الناشفة الخايفه الضايعة ف بحر كلام :  
عايزة تنبت، مش قادرة؟  
مش يمكن قُرِينَا يروى الأرض العطشانة؟  
مش يمكن شوفنا لِنَاسْنَا يفوقنا؟  
نعمل حاجة؟  
قلت أشوفه، ماظلموش،  
دُخْتُ تدوير، مالفيتوش،  
قالوا جوّه،.. لسة حبة  
قلت أدخل، حبة حبة

(٤)

ولا قيثنى جواً بحور ضلّمة، مالهش شيطان،

ولا حسّ لمّوج،

ولا نسمة تلاعب قلع شرّاع،

أو حتى تهزّ القشة العايمة المنسية.

ولا ضربة ديل سمكة، ولا طحلب،

ولا قوقع ولا أى حياة

هوّ الهوّ اثّهوّى ازاي؟

راح فين يابنى أنين الناي؟

(٥)

يا خبر يا جدع!! كدهه؟

لا ياعم. نتكلم أحسن!

ما هو أصل المعزى:

"قهوة سادة، وكلام".

## العين الثانية

### السويقة

(١)

والنظرة الثانية الزحمة،

زى سويقة السبت، فى بلدنا.

زى القفف المليانة حاجات وحاجات،

محطوطة بالذات،

على قلب شريط قطر الدلتا.

كلّ ما القطر يصقّر، بتلاقى الزحمة اتفضت.

والقفف السودا النسوان، بتشيل القفف البيضا المليانة

حاجات وحاجات.

ومّا القطر يعدى: ترجع كومة القفف النسوان، القفف النسوان:

تتلخبط على بعض، كما دقن الشايب.

(٢)

أهـى نظرة عيـه زى سويقة السبـت.  
فيها كلّ كلام الدنيا، وف نفس الوقت.  
فيها "رغبة" على "دعوة"، على "إشـمعى"، على "رغبة خوف"،  
على "صرخة طفل"، على حلمة بز،  
على "عايزه اختار"، و "انا مالى ياعم"،  
"مش عايزه ألم"،  
على "نفسى أعيش"، "بس ما تمشيش"،  
"خلينى معاك"، "خلينى بعيد"،  
وإذا قلت أنا أهـ، أنا جى،  
يسمعنى كمّا صفاة القطر، ويخاف.  
وينط كلام العين جوة: فى البطن،  
أو تحت الأرض.  
وثلاقى سواها وبياضها بيـجروا ورا بعض،  
زى النسوان اللى بتجرى بقفـها.  
وامّا ابعد تانى،  
ترجع كل الكلمات الساكته المليانه ألم وحاجات،  
و "تعالى" و "روح" و "قوام" و "استنى"،  
"وانا نفسى ثـرب .. إلا شوية". "طب حبه كمان"  
"يانهار مش فايت !!، أنا خايقة"،  
"أنا ماشية".

(٣)

والقفف المليانه الغلة الكوسة البادنجان،  
الحب العطف الخوف العوزان،  
تفضى من كله.  
ولا يفضل غير قضبان القطر.  
زى التعبان الميت.  
مستني السبـت الجى،  
اللى ما بيـجيش.

## العين الثالثة

### القط

(١)

والعين الخائفة اللي بتلمع في الضلّة  
عمالة تختبر الناس:  
بتقرّب من بحر حائلهم،  
زى القط ما بيشمشم لبن الطفل بشاربه.  
عماله بتسأل: عايزي؟  
طب ليه؟  
عايزي ليه؟  
إشمعني الوقتي؟  
بصحيح عايزي؟  
بقي حد شايفني يا ناس؟  
مش لازم الواحد منكم يعرف:  
هوّه عايز مين؟  
بقي حد شايفني أنا؟  
أنا مين؟  
أنا أطلع إيه؟ وازاي؟  
طب ليه؟  
الله يسامحكُم. مش قصدي .

(٢)

أنا قاعد راضي بخوفي المش راضي.  
أنا قاعد لامم أغراضى.  
أنا قاعد راصد حركاتكم،  
قاعد ائصنتت، على همس الست المش شايفاني ،  
وأسهّيها، واتمسح ف كعوب رجليها.  
تتململ،  
أخطف همسة "أيوه"، أو لمسة "يمكن".



واجري اتدقي بـ "يَعْنِي"، وأنسى الـ "مِشْ مُمَكِن".

(٣)

وأبصّ لكم من تحت لتحت،  
واستخونكم، واتعرى يمين أطفشكم،  
وأبويّا النمر يفكركم:  
زى ما هوّه بياكل التعلب،  
أنا باكل الفار.  
لكنى لما بقيت إنسان، باكل الأطفال،  
والنسوان المليك.

(٤)

ما تخافوا بقى مئى وتتفضوا  
منتظرين إيه؟  
.. لسه الحدوتة ما خلصتشي؟  
"ما لهاش آخر؟"  
{طب قولى كان فين أولها؟...،  
أو مين كان أصله اللى قايلها؟}

(٥)

أنا نفسى أصدق:  
إنى متعار.  
متعار وخلاص.  
إنشالله كلام!!  
عايزنى ازاي؟  
عايزنى كما الوحش الكاسر،  
ولا مكسور القلب ذليل؟  
دانا جملى ثقيل.  
موالى طويل.  
والناس ملهية.  
إنما حاعملها....  
لسه حوالى ما حدش خاف، ولا كذبني؟

طب هه:

راح اسيب.

(٦)

أنا جسمى اتبعزق،

زى فطيرة مشلتنة لسه ما دخلتشي الفرن.

ولا عاذلى ايذ ولا رجل،

ولا قادر اتلّم..

...

يا حلاوة دقة قلبى وهى بتحويكم.

يا حلاوة نفسى الطالع داخل وسطىكم.

طاير نواحيكم.

ناحية ربنا فيكم.

يا حلاوة الحنية الهادية النادية:

لا بتسأل مين ولا ليه!!

وانا برضه نسيت أنا مين، وانا إيه؟

ولا عاذلى ايذ ولا رجل

ولا عارف اتلّم.

(٧)

ولإمتى كده؟؟

لأ مش قادر.

أصل أنا خايف

أنا خايف موت،

إخص على،

خايف من إيه؟

من لمس أيدين أيها صاحى.

أهى كدا باظت،

باظت مئى، رجعت "الكن":

خايف تفحصنى انت وهوة، وتقولوا بنحب.

إيش عرفكم باللى ما كانشى،

باللى ما لو هشى،  
باللى ما بانشى.  
عمال باحسب همس حفيفكم.  
باحسب خوفكم.  
خوفى مئكم.  
مخى مصهلل، وبئترفج،  
ولا فيش فايده.

(٨)

نط مئى، غصب عئى،  
جوعه مسعور، ويعايرنى.

.....

شككنى فى الكل كليله.  
رجعنى للوحدة النيلة!  
لميتنى، وياريتنى لقيتنى.

(٩)

فينك يا مّه؟  
نفسى اتكوم جواكى تانى،  
بطنك يامّه أامن واشرف من حركاتهم.  
- وان ما قدرتش؟  
="الموت أهون".  
- وان ما حصلشى؟  
= تبقى الفرجة، وشك العربيه، وشوك الوحده.  
- طب ليه يا بنى؟  
= "أهو دا اللى حصل".

(١٠)

راجع "كما كنت"  
قاعد ساكت تحت سرير الست  
حافظ حته نظره،  
أو قفوتيه حب،

واجري أكلها لوحدى،  
تحت الكرسي الد"مش باين".

## العين الرابعة

### البركة

(١)

والعين الهادية النعسانة بتقول أنا أهة.  
أنا مش خايفة  
أيها واحد حايقرب لى حاخده بالحضن،  
وكاينى باحب.  
ميّتى رايقة، و هاديّه، وخضراً...  
وخلص.

(٢)

و العين الثانية من جوة بتقول عندك:  
أنا مش خايفة، أنا خايفه أخاف.  
والمية هادية عشان بركة،  
مش نيل ولا بحر.  
وخضارها مش زرع متنعنّع. دا الرّيم ايّاه.  
مشوارى طويل. خلّونى ف حالي.  
البئج حلالى.  
موتى بيحلالى، يا خالى.

(٣)

عايزنى أصحى؟  
وجههم خوفى ماليانى،  
كما إبر التلج المحميّة؟!  
والناس حوالى بتتمنظر، زى ما هيّة!!!؟  
من حقى أبعدهم عنى،  
ولا أيّها حاجة تظمّى.  
أعملها وكاينى كاينى،

أَتَمَائِلُ، يَتَقَرَّبُ مِنِّي.  
أَرْسَمُهَا: غَصْبٌ وَمَغْمُوزَةٌ،  
أَشَاوِرُ لُئْهَ، يَطْلُبُ لِي كَارُوزَةً.

(٤)

مَا نَا لَوْ حَاصَّيْ، مَا أَنَا لِأَزْمُ أَخَافُ  
وَأَمُوتُ مَا لَخَوْفُ  
وَارْجِعْ أَصْحَى الْقَانِي بَاحِسْ.  
وَأَنَا خَافِيَةٌ أَحْسَ، وَخَافِيَةٌ أَبْصُ  
خَافِيَةٌ أَطْمَعُ فُ وَجُودَكُمْ جَنَّبِي  
عَلَى مَا أَصْحَى وَأَمُوتُ وَارْجِعْ أَصْحَى،  
حَاتِكُونُوا نَسِيئُوا أَنَا مِينْ؟ أَوْ كُنَّا فُ إِيهَ.

(٥)

لَا يَاعَمُ. الدُّنْيَا الْوَاسِعَةُ مَا هِيَ أَشْ وَأَسْعَةُ إِلَّا بِالنَّاسِ

(طَبُّ فِينِ النَّاسِ؟)

مَا فَيْشُ أَحْسَنَ مَا لَضَحْكُ الْعِيرَةِ،  
وَالْحُبُّ اللَّيْ مَا لَوْشُ تَسْعِيرَةِ:

(٦)

أَيُّهَا وَاحِدُ حَاقِرٍ لِي  
حَاخَذَهُ بِالْحَضْنِ  
وَكَانِي بَاحِبٍ.

## العين الخامسة

### قلب الخساية

(١)

وَعَيُونَ مَكْخُولَةٌ مُنْذِيَّةُ.  
تَسْحَرُ وَتَشْدُ.  
مَنْدِيلُهَا عَلَى وَشِ الْمَيَّةِ  
مِسْتَنَّى تَمْذُ،  
إِيْدُكَ، تَسْحَبُهَا تَرْوَحُ فِيْهَا،

ولا مين شاف حد.

(٢)

ماتكونشى يا واد النداهة؟

حركات الجنبه اياها؟

أنا خايف مالى مانيش عارفه.

أنا شايف إالى مانيش شايفه.

وتلاحظ خوفى ثطمنى.

وتقولى كلام، قال إيه يعنى :

ماتبصش جوّه بزبادة،

خليك عالقذ.

شوف حركة عودى المياده ،

شوف لون الخد

(٢)

وأحس بهمس اللى معاها، أنوى أقرب.

وأشوف الثانية جواها، أحلى وأطيب.

والخوف يغالبنى من اياها، لأ. مش حاهرب.

والطفلة تشاور وتعافر،

بتقرب، ولا بتتأخر؟

وانّ مدّيت إيدى ناحيتها، بتخاف وتكش.

والثانية تنط تخليها: تهرّب فى العيش.

دى غيامة كدب وتغطيّة، ومؤامرة غش.

(٣)

وماصدّقشى،

ولا اسلمشى،

أنا واثق إنها ما مئششى

أنا سامع همس الماسكششى

مش حاجى، لو هيه ما جاششى.

(٤)

- جرى إيه يا أخينا؟ على فين؟

حَاصَّحَى الناييم؟ بِيضمانْ إيه؟ جَرَى إيه؟  
مش عاجبك رسمى لِحَوَاجبى، ولا لُونُ الرُّوح؟  
مش عاجبك تذكرة الترسو، ولا حتى اللوج؟

ما كَفَاكشى زواق الباب؟

هيه وكالة مالهاش بواب؟

أنا مش ناقصة التقلبية دِيَّة،

ولا فيش جَوَّاي المِشْ هِيَّة،

ولا فيه بنوتة بِمَرايِلها،

ولا فيه عَيِّل ماسك ديلها،

(٥)

إوعى تخطى، أْبَعْدْ مئى، حاثلاقى الهو.

البيت دا ما لو هشى أَصْحَاب.

دُولُ سَافَرُوا قَبْلُ ما ييجُوا.

من يوم ما بنينا السد.

السد الجَوَّانى التانى.

وانْ كان مش عاجبك، سَدَى البرانى.

تبقى فقتت اللعبة،

ومانيشْ لا عبة.

(٦)

دوّر على واحدة تكون هبلّة،

بشورق مِنْ حَصْوَة نَبْلَة.

تديلك قلب الخساية!!

ومالكشى دعوة بُجَوَّاي.

يا ما كان نفيسى،

بس ياروخ قلبى "ما يُحْكَمشى".

**العين السائة**

**العين الحرامية**

(١)

والعين المهزوزة الخائفة الحرامية،  
زى الكلب السارق عضمة:  
بتبص لتحت، وساعات للجنب.  
وساعات بتبرق وتبلق، وتبصّ لفوق.  
أجرى وراها قبل ما توصل شراعة الباب، أو تحت دولاب.  
وساعات تثرقص وبياضها يغطي سوادها،  
وكأنه بيخبى بريئة واتهموها:  
قرّت بالذنب،  
من غير ولا ذنب.  
بيقولوا ظبطوها بتتسول: فضلات الحب.

(٢)

وارجع ابصلها تنط،  
وثقظ.  
كما طفل على سلّم ثرماي،  
بيبيع كبريت أو باغة،  
أو إيده خفيفة، عالساعة والولاعة.  
يخطف وينط.

(٣)

وان قلت يا بنتى ذنبك إيه؟  
بتقول والدّمة يا دوب حاتبان:  
عايز اكم.. مش عايز اكم.  
باستخونكم، وباجيكم.  
وباخاف مالفرب.  
وما طيقش البعد.  
وباخاف لو عيني جت فى غنين مش "هيّة"،  
وباخاف أكثر لو طلعت "هيّة".

(٤)

غطوني كويس، خلوني بعيد،  
لا تبحرق.



(٥)

أنا تذكرت بلكون، وراح اتفرج للصبح.  
.....بفلوسى.

## العين السابعة

### الدّعة الحيرانة

(١)

والعين الواعية صاحبة المليانة حُزن.

.....

عمر كشي شفت بقرة واقفة لو حديها،  
مربوطة ف شجرة توت، جنب الساقية،  
وعنيها صاحبة تحتها دمة،  
لا بتنزّل ولا بتجف؟  
عمالة ثبصّ لزميلتها المربوطة فى النّاف،  
والغمى محبوبك عالراس،  
والحافر يُحفّر فى الأرض السكة اللّى مالهاش أول ولا آخر؟

(٢)

والبقرة الواقفة تقول:  
أنا كنت باليف ومش داريّة كان لازميه إيه؟  
بتشيّلوا الغما من على عيني وثفكونى ليه؟  
علشان أرتاح؟  
هى دى راحة إنى أشوف ده ؟  
لو حتى لبست الغمى تانى مانا برضه حاشوف.  
وساعتها يا ناس:  
مش حاقدر ألف.  
.... ما هو لازم الواحد ما يشوفنى،  
لو كان حايلف.

(٣)

الله يسامحكم، دلوقتى:

لا انا قادرة ارتاح،  
ولا قادرة ألف.  
لا الدمعه بتنزّل،  
ولا راضية تحف.

## العين التامنة

نايم فى العسل

(١)

والعيون التانيه دى بتقول كلام،  
زى تخاريف الصيام؛  
الصيام عن نبضة الألم اللي تبنى،  
الصيام عن أى شئ فيه المغامرة،  
الصيام عن صنف بنى آدم مفتوح،  
الصيام عن أى حاجة فيها إنى: عايز أكون،  
زى خلقه ربنا"

(٢)

والأفندى اللي لابسها فى العسل نايم بيحلم،  
بس بيشارك، ويتكلم، ويحكم،  
شرط إنه لم يخطئ أو يسلم  
مش على باله اللي جارى،  
"إنه عمال يستخبى أو يدارى".  
وان وصله، غصب عنه  
يترمى سطيحه ويطلب حته منه:  
شرط إنه يجيله فى البرازة دافية، جنب فمة.

(٣)

ساح صاحبنا وعام ملزق واطرسم،  
خلص الرضعة، ومدد، وانسجم.  
قأله سمعنا كمان حبة نعم: كيد العداء،  
يا سلام!! هوا جواك كل دا!؟

أنا نفسي أبقي كده؟

بس حبوني كمان.

حط حته عالميزان.

أصلي متعود زمان:

إني انام شعبان كلام.

(٤)

"يا أخينا مدّ إيدك

يا أخينا همّ حبه.

الحكاية مش وكالة بتشتري منها المحبة".

قام صاحبنا بانّ كانه مش ممانع،

بس قاعد ينتظر "بنج اللاذة"

كله دايب فى الإزاة.

(٥)

والمعلم صبره بحباله الطويلة،

قال "لابد أشوف له حيلة".

قال له وعيونه بتضحك:

"إنت تؤمر".

قام صاحبنا راح مصدق،

راح مئاو له عرضحال فيه المراد:

".. بعد موفور السلام،

نفسى حبة حب .. أو حبة حقيقة،

نفسى أفهم فى اللى جارى ولو دقيقة،

نفسى أعرف فى اللى بتقولوا عليه،

نفسى اشوف دا اسمه إيه"

(٦)

المعلم قاله: "ماشى، يالله بينا"

- يالله بينا!!! يالله بينا؟ على فين؟

دانا مستنى سعادتك.

روح وهات لى زى عادتك.

أى حاجة فيها لذة،  
الكلام الحلو، والمنزول، ومزة.  
أنا أحكى، وانت تتصرف براحتك.  
أنا تعجبني صراحتك،  
إوعى تزعل منى: دنا عيل باريل،  
لسه عندى كلام كتير أنا نفسى اقوله،  
عايز أوصف فى مشاعرى وإحساساتى،  
واقعد اوصفها سنين،  
مش حا بطل، خايف ابطل،  
لو أبطل وصف فى الاحساس حاس،  
وانا مش قد الكلام ده.

(٧)

المعلم قائله: شوف لك حد غيرى،  
جنبنا دكانة تانية،  
فيها "بيتزا" مالى هية،  
أو "لازانيا".  
فيها برضك وصفه تشفى مالعقد،  
إسمها "سيب البلد".  
فيها توليفة حبوب من شغل برّة.  
تمنع التكتشيرة، والتفكير، وتملاك بالمسرة.  
فيها حقنة تخلى بالك مستريح.  
تنتشى وتفضل مننح.  
فيها سرّ ما يثبّش.  
إنه "مش لازم نعيش"!!

(٨)

قام صاحبنا إنقاص، بس ابتسم.  
قال عليك نور يا معلم،  
(بس أنا مش ناوى اسلم).  
قال لينفسه مش حاشوف غير اللي أنا قادر أشوفه.

هِيَ لَعِبَةٌ؟

هوه عايزنى أكون من صنع إيدِه؟

واللى بيَقُولُه، أَعِيدُه؟

إنما بعيدُ عن شوارِبُه،

مش مصاحبُه.

حا نزل اتدبّر شُؤُونِي

وسط هيصّة الناس حاضِيعُ.

لما أصِيعُ،

زنقة الستات أَلْدُ.

مالحقيقه اللى تهزُ.

بس ياخساره مانيش راجل يسدُ،

والنّسا واخداها جَدّ.

\*\*\*

"النّسا عايزاها راجل يُملى راسها،

مش بيع روحه لها علشان ما باسها.

النّسا عايزه اللى عيبه مش فى جيبه، وماشى حالة،

عايزه واحد ينتبه للى فى بالها، زى مايشوف ما فى باله،

النّسا عايزه اللى يعرف امتى بيقولها "انّ لاه"،

أيوه "لاه"، بس "لاه" ليها بيها.

عايزه واحد تحتويه، بس تضمن إنّه قادر يحتويها."

وانا مش قد الكلام ده!!

(٩)

كله منك يا معلم:

ليه تفتح عينى وثورينى نفسى؟

ليه تلوح باللى عمره ما كان فى نفسى؟

واحد واحد، كنت هدى،

قبل ما تحسنى، يعنى، بالحاجات دى.

ليه تخلى الأعمى يتلخبط ويرقص عالسالم؟

كنت سيبنى فى الطراوة، يعنى صاحى زى نايم.

داهية تلعن يوم ما شُفَّتْكَ.  
يوم ما فكرت استريح جُورًا خيمتْكَ.  
يوم ما جيتلْكَ تانى بعد ما كنت سبتْكَ.  
يا معلّم: إما إنك تقبل الركاب جميعاً  
اللى واقف، واللى قاعد، واللى متشعبط كمان،  
أو تحط اليافاطة تلعن فين خطوط حدّ الأمان.  
كل واحد شاف كده غير اللى شايقة،  
بيقى يعرف إنه مش قدّ اللى عرفه.

## العين التاسعة

### نيجاتيف

(١)

والعيون دى رخره واضحه مصممة؛  
بالصرّاحة والشجاعة تقول بصدق:  
راح اسبيكّم تحلموا.  
أنا من كتر الألم بطلت حلم.  
صرت حلم.  
صرت نيجاتيف صورة مش متحمّضه.  
بكره حاتحمّض فى أوده مظلمه.  
اسمها أودة العمى.  
ليه بتيجوا تنوروها بالحقيقة.  
حاكم النور-ما انت عارف-  
بوظ التحميض ياعم.

(٢)

"إقفل الباب وانت خارج".  
هوا ده شرط الحياة اللى احنا عايشنها النهارده.  
إما تحلم، وانت قاعد، فى العَصارى، أو حوالين الشوالى،  
وسط ناس مُغمى عليها من حلاوة الحلم أو من ظبط معيار المزاج.  
إما تحلم من هنا للصبح أو ...

أو تصير الحلم نفسه.

(٣)

ما هو مش ممكن يا عالم غير كده!  
لما قالو "الحلم ذكّه" مستحيل يبقى حقيقة،  
يبقى لازم الحقيقة تبقى حلم  
زى نيجاتيف صورة مش متحمّضه،  
حتى لو حمّضتها آهي برّضه صورة،  
مش حقيقة.

### العين العاشرة

الترعة سابت فى الغيطان

(١)

والنظرة دى رخره عجب.  
ماباشوفشى فيها إلاشي كما الحنان.  
لا لهُ شروط ولا سبب.  
وأقول لنفسى يا ترى:  
هوا حنان الدنيا كله اتجمّع الليله هنا؟  
عمال بيغمّرنا كده من غير حساب،  
كما ترعه سابت فى الغيطان،  
إلى بطونها اشققت

(٢)

والمية بالراحة بتطفى فى "الشرافى"  
من دُون ولا ساقية تنوح،  
ولا قادوس ولا شادوف.  
المية تُغمّر والحنان بيبتشيش القلب الحزين،  
والقلب إلى مألوش حبيب،  
والقلب إلى من عمايل الناس بقى حنة خشب،  
والقلب إلى اتمهطت دقاته أصبح مثل كوره من الشراب،  
تضربها رجلين العيال طول النهار.

وانْ جت على أزاز ام هاشم بيقى يوم أزرق وطين،  
يالكور ه تتشرمط يا إِمّا ان العيال يتفركشوا.  
حتى إذا ازاز "ام هاشم" ما ائكسرش.  
مش صحت "الأسطى إمام" من غفلته.  
"واللى يصحى الناس يأناس أكبر غلط!"

(٣)

وارجع أشوف نهر الحنان  
ألقاه بيطفى فى الشراقى بدون "أوان"  
لكين الشراقى مَهْمَا شَقَّقَهَا الجفاف؛  
الميه راح ترويهها صُحْ،  
لكن كمان  
إن سابت الميه على العمال على البطال حاتغرق أرضنا،  
حتى لو الأرض شراقى مُشَقَّقَة،  
ولا الزراعة بدون أصول؟  
مش لازم الأرض تجف وتتغرق؟!  
أو ضربية المحرات تشق الأرض تقلب تبهرها؟!

.....

والنظره إللى بُعْثِر الكون بالحنان من غير حساب بتقول:  
"حرام..، يأناس حرام:  
أرض الشراقى مُشَقَّقَة، جاهزه،  
بلاش نجرح شعورها بالسلاح..."  
يا ناس يا هوه: بقى دا كلام؟ بقى دا حنان؟  
"الزراع لازم يثروى"؟ أيوه صحيح،  
بس كمان: الزرع لازم يثرع أول،  
مادّا وإلا البذرة حائثت وبس.

(٤)

يا ست يا صاحبة بُحور الحب والخير والحنان:  
إوعى يكون حُبّك دا خوف،  
إوعى يكون حبك دَهْه "قلّة مافيش".



إوعى يكون حبك طريقه للهرب من ماسكة المحرّات، وصُحيانك بطول الليل ليغرق زرعنا.

(٥)

من كثر ما انا عطشان باخاف أشرب كده من غير حساب!

لكن كمان:

مش قادر أقول لأه وانا نفسى فى ندعة ميه من بحر الحنان!

يا هلتري:

أحسن أموت من العطش؟

ولا أموت من الغرق؟!!

### العين الحداشر

فانوس ألوان

(١)

والنظرة دى صادقة، ومحتارة، وخايفة؛

خايفة من الصدق وكثر الشوف المر.

خايفة من بكرة.

عمّاله بتقول:

"نفسى آجى معاكو.. حتى ماشية خايفة

بس شوك الأرض بيخزق عنيّه.

نفسى اغمض، نفسى أغمى.

بس برضه الشوك فى قلبى،

حتى لو قلت الضلام ستر وغطا،

أبقى شايفه .. إنى عاميه".

(٢)

والشك الشوك بيشكشك:

"مش يمكن كل كلامكو الصبح: مش صح؟

مش يمكن أنا باعملكو فخ؟

مش يمكن بالكذب.

لاجل أهرب والعب..؟"

(٣)

الناس بثحاول يتخفى الكذب،

إنما صاحبنا يتخفى الصدق.

والكذب حباله طويلة،

والصدق مصيبته ثقيله،

خذُ عندك:

حتة كذب، على نبضة صدق، على رسمة حب،

على صرخة هم، على سكتة غم، على ضحكة كإن..،

وتلخبط كل حاجاتها على كل حاجاتها، بالقصد.

وان جة واحد شاور عقله يقرب:

تحرن وترقص،

تضرب تملص

وتعاندى زى العيل لما يزق البر،

مع إنه جعان.

وتقول أنا محي مافيش زي،

وتدور عالى مافيش زي :

وتلاقى: "يسقط شر الناس،

ويعيش الحب"

وخلص.

- إزاي؟

- مش شغلي.

وبحور المر بتروى الشوك الصبر.

والبحر بعيد، ومالوش شطآن.

ولا فيش مقادف ولا دقة،

ولا ريس، ولا بمبوطة.

والطفلة تشغل فى اللقة وتقول:

رمضان هو جى، وحاقول وحوى،

واستنى الفجر.

وليال عشر.

وراح افتح طاقة القدر.

وأطّلع منها فانوس ألوان.  
بس كبير خالص.  
قد الدنيا بحالها.  
ولأقيني قاعده ف وسط عيالي،  
وعيالي كتار، وكبار.  
يبقى حليتها يا حلي.  
لا انا سبت عيالي،  
ولا سبت الناس.

(٥)

وأبص بشك، وأحاول أصدق.  
وتبص بعند، وتقول أنا قدك.  
والطفل اللي جواي يقول "أنا مالي، مش يمكن!"  
والشيخ اللي برأي يقول: "لا ياعم، مش ممكن".  
وتبص، وأبص.  
وأشوقك طاقة القدر ف عينها،  
من غير فوانيس، ولا ناس.  
والنور بقى نار بتلعلل.  
إنما جواها: فيه "بكره". أو "يمكن!"  
"... مش يمكن!!!"

## العين التناشر

### البيت المسحور

وعيون عمالة بتوعد من غير وعد.  
بشاور: على باب مكتوب فوق منه: سرداب السعد،  
بوابة تصب ف بوابة،  
والجنى بينفخ في الغابة،  
إلنبورة قدام الساحر،  
والآخر: ما باينلوش آخر.  
يا ترى حانلاقى قلب نضيف وصغير وبرئ،

كما قلب العصفور فى الجنة،  
ولا حائل فى نفاية مشمش، مافيهاش ريحة الروح.  
واذا حتى اتكسرت، مرارثها صعب؟

(١)

ولقيت فى الأول صورة البومة  
بتبص، وتبلق:  
وتقول جرى إيه؟  
بتبصولى ليه؟  
أنا مالي؟  
حوالى خراب؟  
دا خرابكم إنتم.  
دانا كتر خيرى.  
عماله بازعق وأقول:  
"فيه لسنة حياة .. حتى فى خرابه".  
تكونوش عايزينها؛  
تخرب فى السر؟  
وأقرب أكثر مالموره،  
وأبص فى عين البومه.  
واستغرب! دى عيونها إزاز.  
عاملين كده ليه؟  
حس، جرب، يمكن،  
والأقى العين مش عين،  
دى زرار،  
وأجرب أزق. تتحرك كل الصورة،  
والباب الثانى يُبان:

(٢)

الشيخ قاعد وشه منور،  
مركون على عصا بيفكر.  
وعنيه بتشع الحكمة.

دا شبة سيدنا سليمان  
 وعيال لا يام دى غلابة،  
 لافى عصا ترحمهم ولا حكمة،  
 من مس الجان  
 والجان ايامنا، لابسين جلد الإنسان.  
 ولا عاذ بيهم الواحد منهم سورة "الكرسى"،  
 ولا سورة "الناس".  
 والحكمة ما ماتت من مدّة.  
 ما فاضلشى إلا الحكمة الموضه،  
 تلقاها ملفوفة،  
 حوالين حئة شكولاته، جوا الصالونات.  
 - إلحقنا يا عمى الشيخ شقنا .  
 - "ألحقكو ازاي؟"  
 انت اهل؟ ولا بتستهيل؟ دانا صورة".  
 وأبص كويس.  
 "دى النملة بتزحف فى بياضها".  
 وعيون الحكمة الصابرة الغرقانة ف بحر آلام الناس،  
 تستنجد بى:  
 - إعمل معروف شيل النملة دى بتقرصنى،  
 دانا صورة، دانا ميّت،  
 وعصاتى السوس بهدلها،  
 حانكفى على وشى تو ما تبقى دقيق،  
 والكل حايفرح.  
 "دقى يا مزيكا ،  
 شمّنا يا وىكا".  
 "إعمل معروف شيل النملة".  
 وأحاول اشيلها،  
 أتاها الثانية زرار،  
 والباب المسحور بيّزىق.

(٣)

هَوَاً أَنْتِ؟

بالبسمه الهاديه الناديه،

والعين اللي بتجرى وراك بحنائها،

وبتندهلك ماطر ح ماطر ح.

هَوَاً أَنْتِ؟ موناليزا الطاهره الفاجره؟

الواحد عايز إيه غير بسمه حُب، وحنان،

والصدق الدافى وكلّ الطيبه يلفونى،

وكان الشر عمره ما كان.

وكان الدنيا أمان فى إيمان،

وكان البسمه الصادقة تدوب أيها حقد، وأيها خوف.

....

جرى إيه؟ الواحد كان حا يصدق، وكان الصوره حقيقه؟

يا أخينا:

مين المسئول عن بعضينا ؟

عن أكل العيش؟

عن قتل الغدر؟

عن طفل عايز يترى وسط المكن، القرش الدوشه الدم؟

عن جوع الناس؟

عن بيع الشرف الأمل البكره: امبارح؟

وأبص لها تانى واقول:

بالذمه بتضحكى على إيه؟

دى البسمه الحلوه الرايقه المليانه حنان .. وخلاص،

يمكن تبقى مصيبه الأيام دى!

حا تخلّى الواحد يتهبأ لهُ إن الدنيا بخير، ويثام،

يحلم بالجنه...،

وخلاص!

وعشان أبعد تأثيرها:

قهقهت كما بثوع الحيه،

فى المُولد.  
بصَّيتُ للصُّورَة،  
طلَّعتِ لِسَانى:  
تكشيرة آمال ...! .. كدِهْه!  
تبويزه آمال ...! .. كدِهْه!"  
وتغيطنى ولا تبوزش.  
وأنا أعمل عقلى بعقليها من كتر الغيظ،  
"بلا نيّلة بتضحكى على إيه؟"  
وأحاول اشوه ضحكتها، وأعطيه،  
يا خرابى !!  
الصورة دى رخره بتتحرك،  
وبيفتح باب:

(٤)

الشاب وسيم وحليوه .. واقف منظور،  
والوش بريء ربانى. مافيهوش ريحة التعبير،  
واسمه "دوريان"  
هوا انت الصورة اياها؟  
ودا صاحبك إللى اتمنى ف يوم يخدعنا  
ما يبانشى عليه بصمات السن،  
ولا ختم الشر، ولا صوت لضمير.  
وان كان لازم تتسجل كل عميله:  
راح عامل صورة يبان فيها التغيير.  
وكانها صورة الحق الجوانى البشع العريان".  
إنما دى الصورة هنا مايعه؟  
ما يكونشى جواها البشعه؟  
أقلبها:  
يظهر لى الباب الأخرانى.  
دا مفيش ورا آخر باب، ولا أوده ولا بواب!!

(٥)

والأفيلك بحر التيه، من تحت البحر الميت،  
والطفلة الغلبانة بتبكي، ولا حد شايفها .  
والميه مية نار، والجلد صدف ومحار،  
لا هي قادره تصرخ، ولا راضية تموت.  
يا ترى يا جماعه الطفله دهه "صورة، صورة" دوريان؟

ولا أنا غلطان ؟

أنا نفسى أطلع غلطان،

أحسن ما اشوف:

طفل بيتشوه،

من كتر الخوف،

وسط العميان.

## العين التلاتاشر

الزير

(١)

وعيونيه الرايقه الهاديه،

قال إيه ؟! بتطمئن ؟! !

بس أنا مش قادر اتطمئن،

أصله بعيد عن بعضه قوى !!

شايف حاجتين بقليله :

إشى جوه قوى .. قوى خالص،

وأشى بره قوى .. قوى خالص،

والهو بناتهم بيخوف.

(٢)

نظراته تمــــد.

وسكاته يخض،

وحسابه يعد .

ويقلل لما بيضحك،

وبيضحك لما بيسكت،



وبيسكت لما بيحس .  
راكن على سور التراسينه،  
كما زير فخار شكله مزوق.  
والعطشان منا يروح جنبه،  
يمكن يشرب .

(٣)

وارجع وأشك ف تسهيمته:  
ما يكونشى الزير دا منحس ؟  
ولا هوا يلطشه ولا يبرد،  
ولا بيطرى عاقلب.  
مانا كل ما اجر ب أميله حبه بيكركر، ويبقلل،  
والميه لما بتنزّل - إذا نزلت - بتطرطش،  
وتغرق وشى قبل ما توصل زورى،  
إذا وصلت خالص .

(٤)

وأحاول أكرم حلقه،  
أو اصنفر جلده.  
وصاحبنا يزرجن ويقوللى:  
"أنا حا تصنفر من جوه".  
ينفخ نفسه ويبعجر،  
وأخاف يتفجر.

(٥)

وأبخلق جوا عنيه:  
يتهاى لى الهو بيصغر،  
ويقرب حبه من نفسه  
ويقرب بعضه على بعضه  
واسمع لك قرش سنانه،  
وعنيه بتطق شرار،  
وصداغه بتنفخ نار.

(٦)

لا يا عم، الطيب أحسن.  
مالناش غير إننا نمشى، ونمشى، ونمشى.  
وما دام ما احناش حا نبطل،  
بيقى لم بد حانوصل.  
يا حلاوة المشى الجد  
حتى لو معناش حد.

### العين اللربعتاشر

دراكيولا

(١)

وعيون جوا عيون بتقول:  
"حاسب عندك"! .  
إوعى كمنك عطشان تعمى وتأخذ منى،  
أنا مش عندى إلا الموت.  
باشترى بيه الناس وباسميه "حب".  
والناس عايزه تحب تحب تموت،  
أيوه تموت،  
جوا بطن الحوت  
والبوسة بتشلب دم،  
والحضن مغاره ملانه البنج السحر السم.  
وبدال ما الزهره الطفله تنبت جوه الورده القلب،  
بنبيع بعضينا لبعض، والقبض عدم .  
ولا فيش معجزه حا تطلع يونس زى زمان،  
ولا فيش برهان،  
نكروا الرحمان.

(٢)

لسه عيونها بتقول:  
إوعك منى ..!

... لو بتحب صحيح ما تصحيح.  
لو تتأمل حبه حا تعرف،  
لو ماتخافش الموت حاتشوفنى إنى الموت،  
وبامص الدم .  
لكن الدم المالح ينزل يهرى ف جوفى،  
ويخلينى أعطش أكثر.  
ولا يروينى إلا الدم.  
ولا يروينى الدم.  
ولا يروينى إلا أشوفك ميت زي.  
وارمى مصاصتك ،  
وأرجع أشكى وأبكى وأحكى،  
"نفس القصة".

(٣)

لو ماتخافشى الموت: موتنى،  
موت موتى،  
لو بتحب الدنيا صحيح، إوعى تسببى لنفسي.

(٤)

بس الموت جواك بيقولى: إوعك تصحى .

(٥)

أيوه صحيح أنا جيتكو لوحدى !  
جيتكم ليه ؟  
أخفى جريمتى ؟  
جيت أتعلم: لما أمص الدم ما بانشى ؟  
ما يطرطشى ؟  
جيتكو أموت وسطبكم يعني؟  
واسمى باحاول ؟  
ولا بينشى ؟

(٦)

إنما باظت منى اللعبة،

ولا كنت اعرف.  
ولا كنت اعرف إن الناس الحلوه كتار.  
ولا كنت اعرف إن صباع الرجل الحى،  
أقوى كتير من مليون ميت.  
آه يا خساره ففستوا اللعبه.  
وانا فرحانه،  
وخايفه،  
وعايزه،  
ورافضه،  
نوركم جامد يعمى عنيه.  
زى فراشه تحب النور،  
تجرى عليه، وتحوم حواليه  
وتموت فيه،  
ترقص قبل ما تطلع روحها،  
"آه يا حلاوه النور موتني"

....

هوا النور بيموت برضه إلا الضلمه ؟  
بعدها نور الفجر يبشرق من جواي.

(٧)

بس انا خايفة  
أصلى ضعيفة، وطفلة لوحدى، وباحبى ف حجر الناس واتلخبط.  
لأ، حاستني..، لأ مش طالعة .  
خايفه لدكهه تمثل دورى:  
تختفى تحت الجلد، أو ورا ضحكة،  
أو تتصرف زى الناصحة ،  
تعرض فكره،  
يمكن تنسوا.  
وانت تعوزها تانى فى السر.

(٨)

دكهه الثانية الوغدة تقول:

بكره حا تحتاج موتى يا موت، ونموت جمعا.  
بكره حاتحتاج تخفى جريمته، جوا جريمته،  
بكره بتاع الناس بينور.  
بكره بتاعى وحش يعور،  
آه فين بكره، آه من بكره.

(٩)

ترجع برضه الطفلة تعافر، وبتستجد:  
شمس الحق اللى فى عنيكم تقتل ليلى اللى اسمه بكره،  
ليل اللعبة الضلعة الثانية، ليل السرقة الوسخه العامية.  
ليل الوغد يموت روحى، وروحك فيه.  
وغد الطمع الخوف الهرب الكلبشة فينا،  
حاكم الخوف عايز يسحبنا بعيد وحيننا.

(١٠)

بس الثانية الناصحة كهينة وعارفه طريقها:  
واقفه تعايره:

إوعى تلومني. إنت عايزنى كده.  
تقتل روحك وبتتمسكن، وتقول حاسبي؟  
هوا انا ممكن أقتل إلا اللى اختار قتله؟  
تبقى جريمة عاملها اتنين.  
كل جريمة عاملها اتنين.  
ذنب المقتول زى القاتل، أصله استسلم.  
وانا حذرتة وقتلته حاسب.  
إوعى تك تعمي.  
إوعى لاموتك يحلبلى موتي.  
أنا نبهتك .. إوعى تنسي.  
لو مالاقيش الموت حوالى، حاموت موتي.  
لكن الطفلة عفية وصاحية، تضرب قلب، وبتتنطط:  
- أنا صاحيالك،

إنّتى تموتى تروحي ف داهيه، أنا ماباموتشي.  
أنا باستنى اللحظة بتاعتي، علشان أطلع.  
أنا جايياكى هنا برجليكي .. علشان أشبع.  
من ورا ضهرك .  
بعد شويه أجرى وابرطع.  
غصبن عنك .  
غصبن عنه.  
أنا طول عمري واقفه استنى اللحظة دهيه:  
لحظة كل شواهد القبر تزرع خضره.  
لحظة كل الناس الحلوه تموت موتي.  
لحظة طفله صغيره ثايره، تقدر تقتل.  
تقتل وحش يمص الدم.  
لحظة لما الله سبحانه يرضى على:  
"أحلف، يحصل .  
أصله وعدنى ،  
وانا صدقته.

## العين الخمستاشر

يأتري

(١)

أنا مانسيتكيش.

أنا خليتك للآخر.

(٢)

أصل عيونها صعب.

أصلها يا خوانا ساعات وساعات.

ساعه تعرف سر الدنيا ف كنكة قهوه.

وساعة ما تخاف، تعمى وتموت.

والعدسة بتاعتي اللي بتكبر،

تيجى لحديها وتصغر،

وتدغوش.

إشمعنى؟

إكمنى باشوفها لنفسى، مش ليها،

لأ والأدهى:

مش بس باشوفها زى ما عايز.

دى بتبقى تمام زى الشوفان:

(٣)

لو اشوفها تخاف، أتلخبط.

إكمنى نفسى أخاف على حس راحتها.

حضرتها تخبى خوفها،

وتخاف مالمخوف.

(٤)

واذا شفت عيونها تبص بصدق جواى،

أتهز.

علشان راح تعرف ضعفى؛

راح تتصعب، أو تتفرج !

ودا ببقى لزومه إيه ؟

على طول أرفض شوفانها.

بعديها:

تعمى بنواضيرها

(٥)

وانا أعمل إيه ؟

أنا قلت أشوفها ف عين الناس.

وأتارى الناس بتشوفها بعيونى،

يا خبر !!

واقعد فى الآخر واحترار:

وأبص ف عينها من تانى:

يا ترى دا الخير اللى يطمن؟

يا ترى دالمخوف اللى يجنن؟

يا ترى ده الحب اللي يونون؟  
يا ترى ... !!!

## العين الستاشر

### المعلم

(١)

طب والمعلم ؟  
له عيون كما العيون ؟  
بتقول كلام هوا الكلام ؟  
ولا كلام غير الكلام ؟

(٢)

شيخ الطريقة قاعد لى كما قاضى الزمان.  
بيقسم الأرزاق ويمنح صك غفران الذنوب،  
وكان مشكلة الوجود،  
ما لهاش وجود،  
إلا حداه.  
عامل سبيل إسمه "الحياه" :  
"قال دا يعيش ،  
ودى تموت،  
ودا مالوش الا كده".  
قاعد يصنف فى البشر حسب المزاج:  
"لازم تعدى عالصراط"  
واللى بيشبه حضرته يديه قيراط:  
فى جنته ،  
واللى يخالف هو حر.  
يكتب على قبره ماشاء:  
ميت صحيح.  
لكنه حر ف تربته.  
وان قلنا ليه ياعمنا ؟



بيقول كما قاضى الزمان:  
ماقدرشى يمشى عالصراط، ويكون "كمثلي".  
ونقوله: مثلك يعنى إيه ؟  
يتخض ويبان فى عينيه،  
سؤالات كثير:  
بتقول عينيه:

- ٢ -

يا هلترى عمال باشوف الناس عشان أهرب  
ما شوفشى مين أنا ؟  
ولا باشوفنى الناس ؟ ؟  
نفسى أشوفنى من بعيد  
من تحت جلدي.  
من وسط قضبان الحديد.  
من غير كلام ولا سلام.  
أقلب عيونى ولا ابص فى المرايه ؟

...

أنا لو أبص فى المرايه حاشوف "خيال".  
إيده اليمين إيدى الشمال.  
واقف بعيد ورا الإزاز.  
واجى أقرب للمراية التقى برد الجمار.  
وشى يبطط، والنفس بيغطى تقاسيمه كما جبل السحاب  
قدام قمر مظلم حزين.  
واما قلبت عيونى جوه عميت.  
وحاولت ابص.  
حاولت اقرا فى الضلام  
مالقيت كلام.  
ورجعت أبصلكم هناك، فى عيونكم انتم .  
أنا أبقي مين ؟  
وألقى صورتي زى ما انتم محتاجين:

اللى شايفنى كما النبى،  
واللى شايفنى ربنا،  
واللى شايفنى واد برم،  
واللى شايفنى قفل ومتربس حزين،  
واللى شايفنى حرامى أصلى معتبر،  
يمكن أكون أنا كل ده.  
لكنى أبدا مش كده .  
شوفوا كويس يا جماعه:  
واحد يقول: خايف أشوفك لسه حبه،  
والثانية بتقول: يا حرام !! طب حبه حبه،  
والثالث المسطول لو الكرياج يطرقع جوا مخه  
يشوف دقيقة، بس فينه من الحقيقة .  
والرابع اللى خوفه عازله جوا سجن المزه، أو جبل الجبوشى،  
الود وده يشوف ضلام القبر،  
ولا إنه يدوق الصبر،  
الصبر مر والشوف يضر.

(٦)

... وساعات أبص لإيدى وأنا بالعب ببيضتين والحجر،  
أو لما باقلب فى التلات ورقات واخبى فى الولد.  
وأقول يا ناس : بقى دول إيدى اللى بصحيح ؟  
بقى ده أنا ؟

(٧)

وساعات أشوفنى حكيم وعمرى ألف عام.  
شايف تمام عارف تمام .  
كل اللى راح، واللى احنا فيه، واللى حايجى بدون أوان.

.....

(٨)

وساعات أشوفنى أبويا صح.  
بس الزيادة إنى لابس بدله وارطن باللسان،

وأقول كلام : قال إيه لصالح البشر،

وللتاريخ !!

لكنه الله يرحمه :

كان يعبد اللوزة وطن الأرض والورد الطويل،

مزيكته كانت مكنة الرى تغنى تحت جميزه كبيرة مضللة،

واسأل فى نفسى:

أنهو اللي أصلح للتاريخ ؟

الكلمه، والحب السعيد، فى أوده ضلمة منعكشه ؟

أو لوز هملوه مفتحه؟؟

(٩)

وساعات أشوفنى طفل .. طفل ..

إنتو نسيته،

واهلكه سابوه،

ولا هوا قادر يبقى أبوه،

ولا انتو قادرين تلحقوه،

يا ناس ياهوه:

يا تلحقوه ...،

يا تموتوه.

(١٠)

وساعات أشوفنى وحش كاسر.

إلى يخالف أدبجه من غير فصال.

ولا أقبل المنطق ولا أقبل جدال.

وأشك فى النسمة، وفى الورد، وفى الطفل الرضيع،

لو ميلوا كده أو كده،

أحسن يكونوا بيعملوا خطة متينة محكمة ضد "الحياه" !!

وكانها معمولة مخصوص لاجل خاطرى،

" تبقى المؤامرة عليها ضدي"،

وكانى مبعوث العناية، منقذ البشرية فى مركب تخاريفى، وطوفان العبت: "ما لا أراه !!!.

(١١)

وكتير أشوفنى كل ده !  
لكن هناك جوا قوى فرق بسيط.  
يفرق كتير.  
يمكن يكون سر الوجود .  
واتمنى يوم قبل ما اموت:  
بيجى حد منكم:  
- بس بيحب الحياة أكثر ما انا ما باحبها -  
ويبص فى عيوني قوى:  
ويقولى "مين"  
أنا أبقى مين ؟  
والفرق ده :  
فرق بصحيح،  
ولا كلام ؟ !! ؟

## الفصل الثالث

### غنيوتين

#### مقدمة

- ١ -

الحياة هي الحياة.

أغلى حاجة فيها هي : إنى عايش.

باترجف من خطوتى الجاية، ولكن:

باترعب أكثر لو انى فضلت ساكن

كل ما أشك ف خطاى،

ألتفت ما لقاش وراى

إلا إنى،

وسط كل الناس باغني

يعنى بابنى،

أنا وابنى.

واللى مش ممكن حايلخلص بـيه وبـي.

يبقى غيرنا يكمله.

- ٢ -

الحياة دى مش كلام مرصوص على صفحات جرايد،

أو حكاوى فى القهاوى والدواوير والمقاعد،

أو شلل مرصوصة تعرف فى الصياغة واللكـاعـة،

أو برامج فى الإذاعة.

الحياة دى مش ثقافة عليا جدا" فوق هامات البشر".

أو جوايز يمنحوها للى فاز لما انتشر.

- ٣ -

الحياة مش حلم ليلة صيف، ولا إحساس يكرقع

متل قـلـه مايله تدلق مية المحايأة فى صحرا مولعة ..

لا الزرع يطلع فيها ولانارها فى يوم راح تتطفي.

-٤-

الحياة الحلوة... تحلى بـكلنا.

بس مش داخلين فى بعض وهربانين.

زى كتلة قش ضايعة ف بحر طين.

الحياة إنت وانا،

كل واحد هو نفسه،

بس نفسه هى برضه كلنا،

مالى وعيـه برينا.

-٥-

والحياة المرة حتى، لو تاخذ بالك شويه،

راح تشوف مرارتها حلوه !

هيه صعبه .. لو لوحذك.

بس تسهل لو معانا الناس يا ناس.

-٦-

مش مصدق !! ؟؟.

طب تعالى نشوف سوا:

الغنيوة الأولانية

جمل المحامل

=لأ.. عندك !!

- ليه ؟

=ممنوع ده !!

- إيه ؟

=ممنوع كله،

- طب أعمل إيه ؟

=زى ما دايما كنت بتعمل.

قرنك جامد، خليك شايل.

- لأ مش لاعب.. جرى إيه ؟.. الله !!

= إعقل يابا، قلنا ممنوع،

ممنوع تغضب، تزعل، تهمد، تسكت،  
 تحلم، تسرح....،  
 ممنوع كله.  
 - ولإمتى يا ناس؟  
 = بكرة انشالله  
 - بقى كده !! بكرة ؟  
 فيه إيه بكرة؟  
 = بكرة حانسمح لك تتكلم.  
 بكرة حانسمح لك تتألم.  
 بكرة حاتجنى ثمرة كدك،  
 لما تكبر نبقى قذك !!  
 - وانا مالى قد، .. ومالى حد.  
 خايف لاتكون الحاره سد.  
 والصبر مرار !  
 وانا مش رافض أشرب كاسه.  
 على شرط يكون للكاس دا قرار.  
 واستحمل طول الليل غلبي،  
 على شرط الليل ييجى بعده نهار.  
 والصحرا بنزرع فيها الصبر،  
 تطرح حرمان.  
 نسقيه من طولة البال،  
 وبنحدى كلام ونقول موال:  
 "جمل المحامل برك شمتت لعادى فيه"  
 = جمل المحامل لايشكى .. ولا بيقول آه  
 - ليه يعنى بقي؟ ما هو نفسه يعيش، زى العايشين؟  
 = ما هو عايش اهه، إسم الله عليه.  
 بيقول ويعيد، ونرد عليه،  
 بيشيل فى هموم، وف غلب الناس،

وحياخذ إيه غير وجع الراس،  
من زن الحاجة ومد إيديه؟  
- كده برضه ياناس ؟  
بعد دا كله ؟ الحق عليه ؟  
= إيش يفهم فى الغنوة الأطرش؟  
إيش يفهم فى الصورة الأعمى؟  
إيش يفهم محروم من يومه،  
فى الحنية والملاغية؟  
"إطعم مطعوم، يستطعم"  
أما المحروم، يستحمل"  
- يستحمل تانى يا ناس ؟ دا حرام !  
= ما خلاص هانت.  
- لأ ما هانتشى .. إيش عرفنى ؟  
مش يمكن لعبة "إستتى" تفضل على طول؟  
على ما يحصلنى الدور خاخلص.  
القلب مقدد.  
والجرح ممدد.  
فى الأرض الشوك،  
والميه عصير صبار .  
= ما تتركبهاش؛ على مهلك  
و"سعيدة" وحابقى اندهلك !!!  
- وشهور ويام وانا باستتى،  
شلتها على قرنى وباتمنى،  
وبنيت قصرى .. سكنته الناس.  
واتهيالى حاشوفوا انا مين.  
وانى غلبان محتاج ليهم،  
وجعان، محروم، عايش بيهم،  
أضعف، وازحف، وأقع، وأقوم.



=ما فيناش من كده مش لايقة عليك.

-لأ. لايقة ونص:

لو حتى الليل طال ست شهور،  
والتلج اتجمع فوق قلبي،  
والطفل اتجمد مالمسقه،  
والدم اتوقف فى عروقي،  
والنهر بقى صخر بيلمع،  
والوادي بقى صحرا بتلسع  
والبنى آدمين بقوا مش هم،  
أنا حاعملها.

=قدها وقود، ياللا اعملها ،  
بس تخليك، برضه شايلها  
-ربنا موجود حا يعدلها  
يزرع فى قلوب المحرومين:  
بذرة تنبت، حب وتسبيح،  
تطرح شجرة لها ضل كبير،  
تحضن نسمة وتغازل الريح،  
وتفرع توصل لخالقها .

=إبقى قابلنى !!

-وطلعت أدب،

نزلت أدب،

ولقيت ناسي

هنا جوا القلب.

قتلت الغول

حوطوا بيا

وعملناها،

"طلعت هي .".

## الغنية الثانية

### الخلاص

- ليه يامه؟ كان ليه ؟

لما انتى ما "نتيش" كان ليه ؟

أنا ذنبى إيه ؟

أنا مين ؟ أنا فين ؟ أنا كام يامه؟

أنا إيه ؟

= جرى إيه يا ابنى يا حبة عيني؟ طب ما انت أهه !

بقى دا اسمه كلام

ما هو كله تمام

جرى إيه !

يا جدع يا أمير ياللى بتدى،

إوعى تهدي.

تتك إدى، بكره تعدي.

ياسلام ياولد.

ما فى زيك حد.

ماتفكرشى، دا الفكر مرار.

ودا بير يابنى وما لو هشى قرار.

- بس يامه لو قلتى ليه ؟

كان ليه ؟

= جرى إيه ؟ فيه إيه ؟

(كان ليه ؟ كان ليه ؟)

دهدي! هيا "عامله"؟

ولا انا قصدى ؟ دهدي !!

- ٢ -

- علشان يامه مش على بالك، أنا حاكيلك:

أنا خدت الدنيا معاكى بيكى،

من ورا ضهرك،

مش زرع شطانی،  
 مع إن ماحدش ورائی،  
 ولا حد عرف أنا باعمل ایه،  
 أو لیه أو فین.  
 لکنی لما بقیت "هوه"، قالوا:  
 یاسلام!  
 دا شیهه تمام،  
 ما احنا عارفین کده مالأول،  
 وبنخزى العين.  
 = دا صحیح یا بنی:  
 أنا كنت خایفه عليك مالعين  
 الناس دول شر.  
 ما وراهم یابنی إلا القـر.  
 هوا انا كان قصدی یاضناي  
 یا حبة عینی ؟ !  
 ماتفكرشى دا الفكر مرار،  
 ودا بیر یابنی وما لوهشى قرار.  
 - یاریت یامه كان فكر وبس.  
 دى حاجات من جوه وبتتحس.  
 یاما نفسى یامه اصرخ واتفش.  
 جوايا"یامه ما بیرحمش،  
 ولا لیه یامه فیها ذنب،  
 ولا قادر اختار:  
 یاتلیس یامه ولاشوفشى،  
 یارجع الأول وأدور،  
 واحبل واولد،  
 نفسى من أول، وجدید،  
 وابدی وأعید.

واتألم واصرخ من تانى لو حد سمع.

واشرب من شهد الحنيه.

من وش سمح

= وان ما حصلشى !!؟؟

- حايكون أهون من دا اللى حصل،

يعنى عاجبك ؟

= والله يا ابنى مانى فاهمه،

يمكن عاميه،

دى الدنيا ضلام.

والناس الشر ..

لم يبطل يوم فى لسانهم قر،

ياكلوك يا ابنى لحمه طريه،

ويقولوا "يا روحى عليه كان زين".

ليه يا ابنى كده؟

بتعرض نفسك لنيابهم.

ياكلوك يا ابنى،

ويغمسوا بى ورحمة ابوك.

- ٣ -

- لا .. ياختى مانيش خايف منهم،

أنا مستبيع.

الدنيا بخير، وانا مستبيع.

أنا حابقى أبويا وأمى كمان.

أنا حابقى كثير.

أنا حابقى الناس.

أنا حابقى الحب.

أنا حابقى "أنا".

إزاي ؟

ما اعرفش.

أنا عارف إنى حاكون، وأصير،

ربنا ستار، ربنا دا كبير.

بكره تشوفى، لأ دلوقتي

غصبين عنهم.

غصبين عني.

غصبين عنك.

= غصبين عني ؟ !

وانا بدى أشوفك سيد الكل،

بس

— ما بسش،

ولا سيد الكل ولا ديلهم

أنا حاخذ حقى من عينهم

من بسمه طفل،

أو حنية خالتى أم الخير ببيعة الفجل،

أو عم على واقف يضحك ورا قدرة فول،

أو حتى نهيق جحش العمده.

أو من همسة ورقة وردة،

من أيها حاجة اسمها عايشه،

يتقول أنا اهه،

أنا فى حياه.

حا شعر بالنبضة وبالرعدة، من أى كلام،

وحاعيش !!!

= والله يا بنى مختاره معاك.

ما تعيش.

مين حاشك بس ؟

— ٤ —

— ما حاشنيشي

ما انا عايش اهه،

بس ادعى لى ،  
أنا كنت "خلاص"،  
بس بفضلك ربنا قالها،  
ولقيت لى "خلاص".  
وعملت منى اللى أنا هو ه ،  
وباجدد روحى من جوه،  
وباغنى مع نفسى بنفسى  
فى الناس، بالناس.

- ٥ -

ما تصدقشى إن الواحد لازم يعرف أصله وفصله،  
ما تصدقشى.

ما تصدقشى إن الدنيا راح منها الخير .  
ولا إن الناس دول شر .  
ولا إن كلامهم قر .

ولا إن الأرض ملانه كفار،  
ولا إن البير دا مالوهشى قرار،

- ٦ -

ما تقولشى "لو" .. وما تتدمشى .  
ما تقولشى "بكره" ما ينفعشى .  
ما تقولشى "هم" ما تهربشى .  
ما تقولشى "ما خدتش" إدوني .  
ما تقولشى "ما شفتش" وروني .

عايز ؟ دور واتخانىق .

وساعتها حاتلقى عمار فى عمار .  
وحا تعرف معنى لأى كلام، و"تكون" ،  
و"تعيش" ،

وتغنى الغنيوه الحلوه .  
ما انت عارفها،

جواك، براك، ماليه الدنيا.

### الخاتمة

توتا . . توتا

- ١ -

يا طير يا طائر فى السما ...

رايح بلاد الغرب ليه ؟

إوعك يكون زهقك عماك

عن مصرنا.

عن عصرنا.

تفضل تلف تلف .. كما نورس حزين.

حتحط فين .. والوجد ببشذك لفوق.

الفوق فضا.

الفوق قضا.

وعنيك تشعلق كل مادي وتنسى طين الأرض مصر.

- ٢ -

دانا لما بابص جوا عيون الناس،

الناس من أيها جنس،

بالاقيها ف كل بلاد الله لخلق الله.

وف كل كلام، .. وف كل سكات.

واذا شفت الألم، الحب، الرفض، الحزن الفرحه فى عيونهم ..

يبقى باشوف مصر.

وباشوفها أكثر لما بابص جواي.

والناس الحلوين اللي عملوا حاجات للناس،

كانوا مصريين !!

"كل واحد همه ناسه،

كل واحد ربه واحد،

كل واحد حر بينا،

يبقى مصري"  
تبقى مصر بتاعتى هى الدنيا ديه كلها،  
هى وعد الغيب، وكل الخلق، والحركة اللى تبني.

= لأ يا شيخ !!؟

- قلت اصبر نفسى برضه بكلمتين،

[بس هم، بس صح، يعنى ! برضه !!]

- ٣ -

توتا .. توتا ..،

واهى خلصت منى الحدوته.

لو حلوه .. حاتقول غنوه:

"هوه دا يخلص من الله :

اللى غمض مات غبى،

واللى شاف، خاف واترعب،

مايقاش نبي"

لو ملتوته،

حاتقول حدوته:

"كان فيه زمان،

واحد رفض عيشة الهوان،

قال ايه وحاول يبقى "خلقة ربنا"

مع إنه زيه زينا،

يعنى : بشر.

قالوله حاسب ما لقدر ،

قام راح عاملها، وقال : "فشر".